

Jém wibic aḡmaṭi jém ijayñewiip jém Xiwan

Jém Dios iMaṇic oy íti yíp naxyucmi
juuts tum p̄ixiñ

(1 Jn. 1:1; Ap. 19:13)

1 Wiñigam cuando moj íti itumpiy cosa, jesic íttim idic jém Dios iMaṇic, iñiyítim jém Aḡmaṭi. Jém Dios iMaṇic iwaganait tanJatuḡ Dios. Jém Dios iMaṇic jeetim jém Dios. ²Cuando moj íti itumpiy cosa, jesic jém Dios iMaṇic iwaganait jém tanJatuḡ Dios. ³Wagayoxayaj iga iwatyajpa itumpiy cosa. Da i ni tum cosa dapic je waṭi. ⁴Je iniit jém vida iga tachiiba. Jém vida je jém jucti jém tsoçáppic jém p̄ixiñtam iḡnamanjom. ⁵Tsoçpa jém jucti piichciim y jém piichi da wiap icpich jém jucti.

⁶Í idic tum p̄ixiñ jém icutsatnewiip Dios, iñiyi Xiwan. ⁷Cutsatta jém Xiwan iga iḡmadáyñ jém p̄ixiñtam iga miñpa jém Dios iMaṇic juuts tum jucti. Oy iḡmadáy jém p̄ixiñtam iapaap jém miñpáppic iga icupicyajiñ cuando miñpa. ⁸Jém Xiwan da je jém jucti, pero oy iḡmadáy jém p̄ixiñtam iapaap jém jucti jém miñpáppic. ⁹Je jém numapic jucti. Miñ yíp

naxyucmi iga iyicquejyajpa itumpiy jém p̄ixiñtam.

¹⁰Oy íti yíp naxyucmi.

Iwaganayoxa jém tanJatuḡ Dios iga iwatyaj yíp nas con itumpiy jém itwiip yim, pero jém p̄ixiñtam, yíp naxyucmi p̄ic, da iixpicyaj jém Dios iMaṇic.

¹¹Oy íti iticmi, jém naxyucmi de Israel, pero jeeyaj da ipictsoḡyaj.

¹²Pero jém ipictsoḡneyajwiip, jém icupicneyajwiip, chiyajta derecho iga tsíyyajiñ juuts jém Dios imañictam. ¹³Da jex juuts tum p̄ixiñ imañic jém iwatnewiip yomyucmi, juuts iwianjam jém jatunpic, pero Dios imañigayajpa. Tsíyyaj juuts Dios imañictam.

¹⁴Oy íti yíp naxyucmi jém Dios iMaṇic juuts tum p̄ixiñ. Maayítim juuts taichtam. Oy íti yíp naxyucmi con aichtam. Anixayñeta iga inimiñ jém ip̄imi jém iJatunpic ichiñe jém tumpic iMaṇic. Jém Dios iMaṇic tsam tóyóypa, siempre nuumanmatpa, da migóypa. ¹⁵Jém Xiwan oy iḡmadáy jém p̄ixiñtam iapaap jém miññewiip. Nim jém Xiwan:

—Yíbam jém manñimayñewiip iga ocmim miñpa tum p̄ixiñ más wiap

que aich porque íftim idic dende wiñigam cuando danam anayñe aich.

¹⁶ Jém Dios iManic tsam tawiwadayñeta tantumpiytam. Tsam tawiiñta porque inimiñ jém wibic tóyooyi iga tayaachanjamtámiñ Dios.

¹⁷ Chiifá jém Moisés jém wiñicpic anquímayoooyi iga anmadayyajtaiñ jém pixiñtam. Jesic ocmi jém Jesucristo oy yíp naxyucmi iga tanquejay jutsap tayaachanjamta Dios y iga tanquejaypa jém numapic anquímayoooyi. ¹⁸ Da i queman oypa iix jém tanJatun Dios; pero jém Dios iManic, jém túmpic, jém iwaganaitwiip Dios, tanquejayta juutspic Dios jém tanJatun Dios.

Jém Xiwan jém acchíñoypaap iñmatpa de Jesucristo

(Mt. 3:11-12; Mr. 1:7-8; Lc. 3:15-17)

¹⁹ Algunos jém judíos, jém ityajwiip jém Jerusalén, icutsatyaj jém panijyaj con jém levitapic pixiñtam iga icwácyajiñ jém Xiwan. Nímayta:

—Nigi acwaaci jém Xiwan: “¿Mich, mijapaap?”

²⁰ Jesic cuando núcyaj jut it jém Xiwan, je da inyam. Inímay jeeyaj: —Ich da je aCristo jém acutsatnewiip Dios.

²¹ Jesic nímyaj jém panijyaj: —¿Jesic mijapaap? ¿Que mich jém miElías jém wiñicpic miprofeta?

Pero jém Xiwan icutsoj. Inímay: —Ich da aje.

Nímyaj jém panijyaj: —¿Que mich jém miprofeta jém mananjóctampaap?

Jém Xiwan inímay:

—Ich datim aje.

²² Jesic jém panijyaj inímayyaj jém Xiwan:

—¿Mich, mijapaap? Anímaayi iga wiñiñ anajmadayta jém acutsatnewiip. ¿Mich inyaac, ti wiap anajmadáy?

²³ Jesic jém Xiwan inímay jém panijyaj:

—Icham oy anajíyooyi jém titsinaxyucmi. Oy anajmadáy jém pixiñtam iga: “Áñaayi jém tunj, numtsaci, porque miñpa jém tánQmi”, juuts nimpa jém profeta jém Isaías.

²⁴ Jém fariseoyaj icutsatyajtim jém icwácyajpáppic jém Xiwan.

²⁵ Acwáctatim jém Xiwan, nímayta:

—¿Jesic tiiga micchíñoypa siiga mich da je miCristo, ni da je miElías ni da je miprofeta jém miñpáppic?

²⁶ Jém Xiwan inímay jeeyaj:

—Ich acchíñoypa con ni. Pero yim it mimichtámanjom tum pixiñ jém dapic inixpicneta. ²⁷ Ocmim miñ jém pixiñ, pero más wiap que aich. Ich da wiap antsíy ni juuts tum imozo iga ancuwijáyaypa jém iciac.

²⁸ Jempigam inasca jém Xiwan jém attebet Betábara, anwiñtuc de jém río Jordán jut acchíñoypa.

Jém Jesús je jém Dios iCordero

²⁹ Jém tungac jama jém Xiwan iix iga miñpa Jesús, inímay jém pixiñtam:

—Ixi, jém pixiñ jeexic miñpa, je jém Dios iCordero. Accaatap iga iccáyaypa ifumpiy jém pixiñtam ifañca. ³⁰ Yíbam jém pixiñ jém

mannímayñewiip iga: “Ocmim miñpa tum pìxiñ, pero más wiap que aich, porque íftim dende wiñigam cuando ðanam anayñe aich.” ³¹Ich ða idic anjodoŋ iapaap jém pìxiñ, pero ich miñ acchíŋooyi con ni iga jém ífyajwiip Israel wiáñ ijodoŋayaj iapaap jém Cristo.

³²Nimítim jém Xiwan:

—Ich ánix jém Dios iAnama juuts tum cuucu cuando quet dende siŋyucmi. Miñ íti con je. ³³Jesic ich ða idic anjodoŋ iapaap jém pìxiñ jém miñpáppic, pero cuando Dios acutsat iga acchíŋóypa con ni, anímáy iga: “Cuando íñixpa iga jém Dios iAnama quetpa siŋyucmi y miñ íti con tum pìxiñ, jesic iñjodoŋ iga jeam jém ininjócpáppic. Acchíŋóypatim mex je con jém Dios iAnama, ða je con ni.” ³⁴Ich ánix iga jempigam iñasca yíp pìxiñ, jeeyucmi wiap mannímáy iga yíbam pìxiñ jém Dios iManic.

Jesús icuyiŋ jém wiñtipic icuyujciwiñ

³⁵Jesic tunŋagam jama jemítim ífyaj jém Xiwan con wisten jém icuyujciwiñ. ³⁶Iix jém Xiwan iga widanŋaspa jém Jesús. Jesic iñímáy jém icuyujciwiñ:

—Íxtaami jém pìxiñ. Yíbam jém Dios iCordero.

³⁷Jesic jém wisten icuyujciwiñ imatoŋ tí iñímáy, moj itúnjy jém Jesús. ³⁸Jesic Jesús íamseedáy, iix iga itúnjyapa jém wisten, iñímáy:

—¿Tí miñ immétsta?

Nimyaj jém wisten:

—¿Rabí, (taichtam tanaŋmatimi nimtooba, Maestro), juí miíf?

³⁹Jesic Jesús iñímáy jeeyaj:

—Miñi aami.

Jesic nic íamyaj juí íf Jesús. Jemum iyaj jém jama, núcyaj a las cuatro.

⁴⁰Tum de jém wisten jém imatoŋneyajwiip junimpa jém Xiwan, jém itúnjywiip jém Jesús, iñiyi Anti. Ífiwi jém Ximoj Peto.

⁴¹Jesic jém Anti wiñti nic iméts ífiwi jém Ximoj, iñímáy:

—Ampátneum jém Mesías.

(Taichtam tanaŋmatimi nimtooba jém Cristo.)

⁴²Ocmi jém Anti ininic jém Ximoj juí íf Jesús. Jesic Jesús iwíámpa jém Ximoj, iñímáy:

—Mich miXimoj, jém Jonás mimanic, pero siip manacniiyap iga miCefas. (Taichtam tanaŋmatimi nimtooba iga Peto.)

Jesús iŋwejáypa jém

Felipe y jém Natanael

⁴³Jesic tunŋagam jama nictooba idic Jesús jém naxyucmi de Galilea. Ipát jém Felipe. Nímayta:

—Miñi atúnjyiyi.

⁴⁴Yíp Felipe jém Betsaidapic pìxiñ, jeéim attebet juí tsucum jém Anti y Peto. ⁴⁵Jesic jém Felipe nic iméts jém Natanael, iñímáy:

—Ampátneta jém pìxiñ jém tanímayñewiip iga miñpa jém Moisés y jém tunŋac jém wiñicpic profeta jém ijayñewiip Dios iŋmatí. Je jém Jesús, jém Nazaretpic, jém José imanic.

⁴⁶Nimpa jém Natanael:

—¿Que wiap iput tum wibic pìxiñ de jém attebet de Nazaret?

Nimpa Felipe:

—Miñi aami.

⁴⁷Cuando Jesús iix iga icunúcpa jém Natanael, iñímáy:

—Yiim miñpa tum nunta Israelpic p̄ixiñ, jém ďapic iniñ m̄igooyi.

⁴⁸ Jesic jém Natanael icwác jém Jesús, iñímáy:

—¿Jutsa mánixpic?

Nimpa Jesús:

—Antes que ďanam miñwejayñe jém Felipe, mánix juť miit jém tsujcuciim.

⁴⁹ Jesic jém Natanael iñímáy jém Jesús:

—Rabí, micham jém Dios miM̄anic. Micham miRey de Israel.

⁵⁰ Jesic Jesús icutson, iñímáy:

—Siip mich aŋcupicpa porque mannímáy iga mánixñe jém tsujcuciim. Núcpa jama iga iñixpa jém más m̄ijpic milagro. ⁵¹ Numa mannímáypa iga iñixtampa iga áŋáypa jém siñ y químpa y quetpa jém siñyucm̄ipic p̄ixiñtam aichyucmi, jém aMiññewiip Siñyucmi.

Jém aŋcoomíyocuy jém attebet de Caná

2 Ocmi nas tucunajama, íf tum aŋcoomíyocuy jém attebet de Caná jém naxyucmi de Galilea, íttim jém Jesús iapa. ² Añwejayajtaim jém Jesús con icuyujciwiñ iga niñiñ juť íf jém aŋcoomíyocuy. ³ Yaj jém vino, jesic Jesús iapa iñímáy:

—Siip yajneum jém vino.

⁴ Jesic jém Jesús iñímáy:

—Yomo, ¿tiiga annímáy iga yajneum jém vino? Đanam núcne jém hora iga aŋwatpa jém milagro.

⁵ Jesic jém Jesús iapa iñímáy jém icuyoxayajpaap jém tic iomi:

—Wattaami ífump̄iy juuts miñímáypa.

⁶ Jemum íf seis jém tsaamajcuy. Cucómayñeta ni iga icheeyajpa ici juuts jém judíos icostumbre. Cada jém majcuy iyajpa ochenta o cien litro de ni. ⁷ Jesic Jesús iñímáy jém mozo:

—Comtaami yípyaj majcuy con ni.

Jesic moj icomyaj jém seis majcuy hasta w̄i com. ⁸ Jesic Jesús iñímáy jém mozo:

—Siip topi uxañ, niñi chii jém mayordomo de jém siñ.

Jempigam iwatyaj. ⁹ Jesic jém mayordomo iuc uxañ jém ni jém acsetnetaw̄iip iga vino, pero da ijodoñ juť ipicyaj jém vino. Pero jém mozo, jém itopneyajw̄iip jém ni, ijodoñ juť ipic jém vino. Jesic jém mayordomo iñwejay jém p̄ixiñ jém yoomiypaap. ¹⁰ Iñímáy:

—Jesic nawattap siñ, ífump̄iy ichiiba wiñti jém más w̄ibic vino iga iuguiñ jém iamigoyaj. Jesic ocmi cuando iucneyajum jáyañ jém w̄ibic vino, jesic chiiyajtap jém vino ďapic jáya w̄i. Pero mich iniccáyñe jém más w̄ibic vino hasta siip.

¹¹ Jempam moj iwat Jesús jém milagro jém attebet de Caná, jém naxyucmi de Galilea. Añquejayajta jém p̄ixiñtam iga iniñi jém Dios ip̄imi. Jém icuyujciwiñ tsam icupicyaj jém Jesús.

¹² Jesic ocmim, nic Jesús jém attebet Capernaum. Iwagananicayaj iapa, íf̄iwitam y jém icuyujciwiñ. Pero jemum da watña jama tsíyyaj.

Jesús iquebacputpa jém númyajpaap jém m̄ijpic masticjom

(Mt. 21:12-13; Mr. 11:15-18; Lc. 19:45-46)

¹³ Jesic jeetim tiempo núctooba jém pascuasij jém iwatyajp̄apic

jém judíos. Nic Jesús Jerusalén juť iwatyajpa jém siñ. ¹⁴Y jém mijpic masticjom ipát jém imáyyajpáppic jém xix, jém borrego y jém cuucuyaj. Jemum coñyajtim imesaciim jém icucacyajpáppic tumiñ. ¹⁵Jesic Jesús ipic tum tipxi, iwat tum cótsóycuy. Iquebacput itumpiy jém pixiñtam jém itwiiip masticjom con jém xixyay y jém borregoyaj. Ipatspatsquedáy itumiñ naxyucmi jém icucacyajpáppic tumiñ. Ichiputseedáy jém imesayaj. ¹⁶Iñímáy jém pixiñtam jém imáyyajpaap jém cuucuyaj:
—Toptaami jém cuucuyaj aņsicmi. Odoy acettaami anJatuj itic juuts tum mercado.

¹⁷Jesic jém Jesús icuyujciwiñ ijisyajpa juuts jayñeta jém Dios iñmaťi. Nimpa: “Ich tsam pimi aņwatpa cuenta mich iñtic, manJatuj Dios.”

¹⁸Jesic jém judíos icwácyajpa. Nímayta Jesús:

—¿I mipiimáy iga iñquebacput jém pixiñtam? Siiga Dios mipiimáy, jesic aņquejaayi aichfam tum milagro.

¹⁹Jesús iñímáy jeeyaj:

—Miswattaami yíp mastic, jesic jém tucunajama anactsucumpa eybic.

²⁰Nimyaj jém judíos:

—Cuarenta y seis amtiy yoxayaj iga iwatyaj yíp mastic. ¿Que wiap inictsucum en tucunajama?

²¹Pero cuando nimpa Jesús iga iwatpa eybic jém mastic, je iñmatpa de jém imiñtay. ²²Cuando accaatap jém Jesús y ocmi pispa, jesic jém icuyujciwiñ ijisyajpa ti iñímáy jém Jesús. Jesic icupicyaj jém Dios iñmaťi jém jayñetawiip y

jém iñmaťi jém iñímáynewiip jém Jesús.

Jesús ijodoñ ti iniityaj ianamanjom jém pixiñtam

²³Jesic iganam it Jesús jém Jerusalén, cuando iwatyajpa jém pascuasij, jáyaj jém pixiñtam moj icupicyaj porque iixyay jém wibic milagro jém iwatnewiip. ²⁴Pero jém Jesús da iniityay confianza jém pixiñtam, porque ijodoñ ti iniityaj ianamanjom itumpiy jém pixiñtam. ²⁵Da ixunpa Jesús iga i iñmadáypa iga tsam malo jém pixiñtam, porque ijodoñ iga tsam it mal ianamanjom.

Jém Nicodemo oy iám jém Jesús

3 It itic tum fariseopic pixiñ iñiyi Nicodemo, aņjagooyi de jém judíos. ²Jém Nicodemo oy iám jém Jesús tsuucim. Mu iñuc, iñímáy:

—MamMaestro, anjodónata iga Dios micutsat iga anaņquejaytamiñ aichfam. Da i wiap iwat jém wibic milagro juutspic mich iñwatpa siiga da iñwaganait Dios.

³Jesic Jesús iñímáy jém Nicodemo:
—Numa mannímáypa siiga tum pixiñ da nayxetpa eybic, jesic da tsýpa juuts Dios imiichi ni da nicpa itic con Dios.

⁴Jém Nicodemo icwác jém Jesús. Iñímáy:

—¿Pero jutsap iñayxet tum pixiñ tsamipic? ¿Que wiap itigiy eybic jém iapa ipuujom iga nayxetpa?

⁵Jesús icutson jém Nicodemo. Iñímáy:

—Numa mannímáypa siiga tum pixiñ da naypa con ni y da

naypaŋim con Dios iAnama, da tsíyapa juuts Dios imiichi ni da wı̄ap itı̄giy juŋ it Dios. ⁶Jém nayñewiip jém yomyucmi iniit no más jém vida yıp naxyucmi. Pero jém nayñewiip con Dios iAnama iniit jém siñyucmiŋic vida. ⁷Odoy ámanjaci iga mannímáy iga siiga da miñayxetpa eybic da miñúcpa juŋ it Dios. ⁸Poypa jém sawa juŋ quej. Tammatoŋpa iga poypa jém sawa, pero da tanjodoŋ juŋ miñpa ni juŋ nicpa. Jesapŋim quejpa iga nayñe jém piñiñ con Dios iAnama. Pero da tánixpa jutsa miñay.

⁹Jesic jém Nicodemo inímáy jém Jesús:

—¿Pero que jutsap tannasca jempic?

¹⁰Nimpa Jesús:

—¿Que mich miIsraelpic mimaestro y da iñcutiñyíyapa ti mannímáyapa?

¹¹Numa mannímáyapa aichtam aŋwı̄jodoŋtam ti sıp mannímáy. Manaŋmadaytámpa jém cosa jém ánixñewiip. Pero michtam da aŋcupigaytámpa. ¹²Siiga manaŋmadáyapa jém cosa jém itwiip yıp naxyucmi y da iñcupicpa, ¿jesic jutsap iñcupic siiga manaŋmadáyapa jém cosa jém itwiip siñyucmi?

¹³Da i wı̄ap iquım siñyucmi, no más ich wı̄ap aŋquım. Ich jém aMiññewiip Siñyucmi, aít idic siñyucmi, pero aquet yıp naxyucmi iga aŋwatpa jém Dios iyoxacuy. ¹⁴Wiñic jém Moisés ipaŋpa tum cuy, icquım tum tsañwatnas jém cuyucmi cuando oyyaj jém Dios ipixiñtam jém titsinaxyucmi. Jesapŋim aich, jém aMiññewiip Siñyucmi, acquımtap

tum cuyucmi ¹⁵iga itumpiy jém pixiñtam, jém acupicneyajwiip aich, da togoypa, mas ipictsoŋyajpa jém vida jém dapic cuyajpa.

¹⁶Dios tsam itoypa itumpiy jém pixiñtam jém ityajwiip yıp naxyucmi. Jeeyucmi ijic iga accaata jém tumpic iManic iga itumpiy jém icupicneyajwiip jém Dios iManic da togoypa, mas ipictsoŋpa jém vida jém dapic cuyajpa. ¹⁷Porque Dios da icutsat iManic yıp naxyucmi iga ichiiba castigo jém pixiñtam. Icutsat iManic iga iciaacputyajiñ itumpiy jém ityajwiip icuwiiti yıp naxyucmi.

¹⁸Siiga tum piñiñ icupic jém Dios iManic, jesic da i ichiiba castigo. Pero jém dapic icupicpa, jesic Dios ijı̄ycamayñe iga ichiiba castigo porque da icupicpa jém Dios iManic jém tumpic. ¹⁹Chiiŋap castigo jém pixiñtam porque cuando miñ yıp naxyucmi jém wı̄bic juctiaŋtsoca, jesic jeeyaj da iwı̄aŋjamyaj. Tsam itoyyajpa jém piichi porque tsam iwı̄aŋjam iga imalwatyajpa. ²⁰Itumpiy jém imalwatyajpáppic ijóyixyajpa jém wı̄bic juctiaŋtsoca. Da icunúcyajpa jém juctiaŋtsoca iga odoy quejiñ iga imalwatyajpa. ²¹Pero jém iwatneyajwiip juuts nimpa jém numpic aŋquımayooyi, icunúcyaj jém wı̄bic juctiaŋtsoca iga quejiñ iga iwı̄watyajpa juuts ixunpa Dios.

Jém Xiwan jém acchı̄ŋoypaap eybic iŋmatpa de Cristo

²²Jesic ocmi jém Jesús con icuyujciwiñ nı̄cyaj jém naxyucmi de Judea. Jemı̄gam nic itı̄iyaj. Acchı̄ŋoyyajpa. ²³Acchı̄ŋóyapaŋim

jém Xiwan jém atebet Enón nocojom de jém atebet Salim porque jemíc tsam íf ni. Nícyaj jém pixiñtam iga acchiñyajtaiñ. ²⁴Porque danam pajnetā cárcel jém Xiwan.

²⁵Jesic algunos de jém Xiwan icuyujciwiñ moj áñajiyaj con jém judíos iga tí ixunpa jém Moisés iñquímayooyi iga tsíy tum píxiñ cuáyne. ²⁶Jesic jém Xiwan icuyujciwiñ nic iñmadayyaj jém Xiwan. Iñímayyaj:

—Mammaestro, jém píxiñ jém tanjiypátnewiip jém Jordán iñwiñtuc, jém annímayñewiip mimich iga jeam jém Dios iManic, siip acchiñóypatim mex je. Nícyajpa ítumpiy jém píxiñtam iga ítúñiyajpa.

²⁷Jesic jém Xiwan iñímáy jém icuyujciwiñ:

—Siiga da tí tachiiba Dios, jesic da tí tanait. ²⁸Michítam añwímatonjeta cuando manañmadayta iga ich da je aCristo. Pero Dios acutsat iga añjagoyñeiñ ammiñ iga añwítsagáypa jém Cristo ítuj. ²⁹Cuando ít jém añcoomíyóycuy, jesic jém representante wiñtí iwítsacpa ítumpiy jém cosa. Jesic ocmi miñpa jém yoomiypaap iga ipictsonpa jém iyomo. Jesic maymay jém representante. Jesapítim aich. Agui amaymay iga núcneum jém Cristo. ³⁰Siip más jáyanap jém Cristo ipixiñtam. Dam atúñiyajpa jém píxiñtam porque cuyajum jém anyoxacuy.

Jém Miñnewiip Siñyucmi tsam wiap

³¹Jém yucmipic miñne, je más wiap que ítumpiy jém píxiñtam.

Pero jém tsucumnewiip yíp naxyucmi iniif yíp naxyucmipic jixi. Iñmatpa yíp naxyucmipic añquímayooyi. Pero jém yucmipic miñne inimiñ jém más wibic jixi. ³²Iñmatpa jém wibic añquímayooyi jém iixñewiip y jém imatonnewiip siñyucmi. Pero jém píxiñtam da icupicyajpa jém iñmadayooyi, ítumpiy iñisyajpa iga miñooyi. ³³Pero ich aXiwan añcupic jém iñquímayooyi y mannímáypa iga je jém numapic, da migóypa tanJatuñ Dios. ³⁴Porque jém icutsatnewiip Dios, iñmatpa jém Dios iñmatí. Quejpa iga tsam pími chiiñeta jém Dios iAnama. ³⁵TanJatuñ Dios tsam ítopya jém iManic. Iciijuncodáy ítumpiy cosa iciijom iga wiáñ iwat juuts je iwíañjam. ³⁶Siiga i icupicpa jém Dios iManic, jesic ipictsonpa jém vida jém dapic cuyajpa. Pero siiga tum píxiñ da icupicpa jém Dios iManic, jesic da ipictsonpa jém vida jém dapic cuyajpa. Dios ichiiba jém píxiñ jém mijpic castigo jém dapic cuyajpa.

Jesús añmatyajpa con tum Samariapic yomo jém mutciim

4 Jesic imatonjaj jém fariseoyaj iga más jáyan jém píxiñtam ítúñiyajpa jém Jesús que jém Xiwan, icchiñpatim más jáyan píxiñtam. ²Pero jém Jesús iyaac da acchiñóypa, nada más acchiñoyyajpa jém icuyujciwiñ. ³Mu ijodóna jém Jesús tí iñisyajpa jém fariseoyaj, jesic put de jém naxyucmi de Judea. Set eybic jém naxyucmi de Galilea.

⁴Iganam nicpa Galilea jém Jesús, tienes que naspa jém naxyucmi

de Samaria. ⁵Jesic núc jém Jesús tum Samariapic atebet iñiyi Sicar. Da juumi jém nas jém ichiiñewiip wiñgam jém Jacob jém imaníc José. ⁶Jemtim íf jém muti jém iwatnewiip jém Jacob. Cugapjama núc jém Jesús. Agui sopsne. Juumi miñ. Jesic coñ Jesús jém mutciim. ⁷Jesic jeefi rato núc tum Samariapic yomo. Miñ ipic ni. Jesús iñímáy jém yomo:

—Acwaaci uxaj ni.

⁸Da i jém icuyujciwiñ. Nic ijuyaj títam icútyajpa jém atebet Sicar. ⁹Jesic jém Samariapic yomo iñímáy jém Jesús:

—¿Tiiga aḡwágáypa ni aich? Mich mijudío y ich aSamariapic ayomo.

Jempam nim jém yomo porque jém judíos tsam ijóyxyajpa jém Samariapic pixiñtam. ¹⁰Jesic Jesús icutsoḡ jém yomo. Iñímáy:

—Meega mich iñjodoḡ i miwágáypa jém ni y meega iñjodoḡtim iga Dios michiítooba jém wibic ni, jesic mich aḡwágáypa jém ni y ich manchiiba jém wibic ni jém michiipáppic jém vida.

¹¹Jesic jém yomo iñímáy jém Jesús:

—Pero mich da iniñi timi iñtoppa jém ni. Tsam jojmi jém muti. ¿Jutsap iñtop jém ni jém tachiipáppic vida? ¹²Jém anjatunḡwewe ijatun jém Jacob ichac yíp muti para aichtam. Jém Jacob con jém imanictam nicyajpa yim. Icnicyajpatim jém ianimatay. ¿Que mich más miwiap que jém Jacob?

¹³Jesic Jesús iñímáy jém yomo:

—Ítumpiy jém iucyajpáppic yíp ni, yiimpic íf mutjom, níctitsaypa eybic. ¹⁴Pero jém iucpáppic jém

ni, jém ichpic anchiiba, dam eybic níctitspa. Jém ni tsýpa juuts tum ni icuy ianamaḡjom. Iyaacquimpa jém ni iga ichiiba jém vida jém dapic cuyajpa.

¹⁵Jém yomo iñímáy jém Jesús:

—Mimich, achij jém ni, jesic dam eybic aníctitspa. Da amiñgacpa yim iga ampicpa ni.

¹⁶Jesús iñímáy jém yomo:

—Niḡi aḡwejaayi jém iḡwidaya. Miñtaami yim.

¹⁷Nim jém yomo:

—Da ajaayí.

Jesic Jesús iñímáy:

—Da mimigóypa iga miñimpa iga da mijaayí. ¹⁸Porque iniñi ídic cinco iḡwidaya y jém pixiñ jém siippic iniñi da je iḡwidaya. Da mimigóypa iga da mijaayí.

¹⁹Cuando imatoḡ junimpa Jesús, jesic jém yomo iñímáy:

—Quejpa iga mich miprofeta.

²⁰Aichtam jém aSamariapic aḡwewetam dende wiñgam ijisyajpa Dios yíp cotsicyucmi. Pero mimichtam miñimtámpa iga solamente Jerusalén wiap tanjista Dios.

²¹Jesús iñímáy jém yomo:

—Cupici siip ti mannímáypa.

Núcpa jém jama iga wiap iñjista tanjatun Dios jutquej. Da miñcpa Jerusalén ni dátim miquímpa yíp cotsicyucmi iga iniḡwejpáttámpa Dios. ²²Mimichtam miífwip Samaria da iñjodoḡ i iñjistámpa. Pero aichtam jém ajudiospic apixiñtam ánixpicneta jém nunta Dios porque Dios ichac iga tsucum jém naxyucmi de Israel jém ciacpudoypaap. ²³Siip núctooba jém jama cuando jém numapic

icupicneyajwiip Dios ijisyajpa Dios ianamanjom, ijisyajpa juuts nimpá jém numapic anquímayooyi. Jém tanJatun Dios imétspa jém ijisyajpáppic jempic. ²⁴TanJatun Dios je tum Anama juuts jém sawa. Jém numapic icupicneyajwiip Dios jeeyaj numa ijisyajpa Dios ianamanjom juuts nimpá jém numapic anquímayooyi.

²⁵Jém yomo inílmáy Jesús:

—Anjodoŋ iga miñpa jém Mesías jém icutsatpaap Dios, iníyitim Cristo. Cuando núcneum jém Mesías, jesic tanquejáypa itumpiy jém witampic anmatí.

²⁶Jesic Jesús inílmáy jém yomo:

—Icham aje, jém siippic mananmat.

²⁷Jeeti rato núcyaj jém Jesús icuyujciwiñ. Tsam ámanjacyaj iga anmatpa Jesús con jém yomo. Pero da i icwác jém yomo iga: “¿Ti miñ imméts?” Ni dátim i icwác jém Jesús iga: “¿Tiiga ininmatpa jém yomo?” ²⁸Jesic jém yomo ichac imajcuy, nic jém attebet. Nic inmadáy jém pixiñtam:

²⁹—Nigi aami tum pixiñ. Anmadáy aich itumpiy itam anwatne dende wiñic. ¿Que da yíbam jém Cristo?

³⁰Jesic jeeyaj putyaj jém attebet, nic íamyaj jém Jesús. ³¹Iganam nicne jém yomo, jém Jesús icuyujciwiñ inílmayyaj:

—MamMaestro, miñi miwiiqui.

³²Pero Jesús inílmáy jém icuyujciwiñ:

—Ich anaií wíccuy jém ápic íñixpictámpa mimichtam.

³³Jesic jém icuyujciwiñ moypa nacwácyajtaji entre jeeyaj. Nímyajpa:

—¿Tananjam iga algunos inimíñáy jém wíccuy?

³⁴Pero Jesús inílmáy icuyujciwiñ:

—Cuando anwatpa juuts ixunpa Dios y anaccupacpa jém Dios iyoxacuy jex juuts ich anwíccuy.

³⁵Michfam miñimtámpa iga:

“Togoyñam cuatro meses iga itpa jém cosecha.” Pero ich mannímáypa, ixtaami iga ciñneum jém cosecha. Jáyaŋ jém pixiñtam icupicyajtooba jém Dios inmatí.

³⁶Jém ipinyajpáppic jém cosecha yoyajtap. Ipiñyajpa jém pixiñtam iga chiitap jém vida jém ápic cuyajpa. Itumpiy jém inípnayajwiip y jém ipinyajpáppic jém cosecha wagamaymáayajpa. ³⁷Numa juuts nimpá jém anmatí iga tum pixiñ iníppa jém cama, pero tunŋac ipiñpa jém cosecha. ³⁸Mañcutsat iga niguiñ impiñ jém yoxaji juí mich da inñip. Tunŋac yoxayajpa jém camjom, pero michfam impíñáypa jém iyoxaji.

³⁹Jáyaŋ jém Samariapic pixiñtam jém ityajwiip jém attebet Sicar icupicyaj jém Jesús porque jém yomo inílmáy iga: “Jém pixiñ anmadáy itumpiy juuts ich anwatne.” ⁴⁰Jesic cuando jém pixiñtam núcyaj juí it jém Jesús, icunucsayyajpa. Inílmayyaj iga:

“Tsiyi yiim con aichtam.” Jesic jemum tsíy jém Jesús wisna jama.

⁴¹Jesic iganam accuyujóypa Jesús jém attebet Sicar, másim jáyanam jém pixiñtam icupicyaj jém Jesús.

⁴²Jesic jeeyaj inílmayyaj jém yomo:

—Siip anjodontam iga yíp pixiñ je jém Cristo jém iciacputpáppic itumpiy jém ityajwiip icuwiti yíp naxyucmi. Anjodónata porque

anyaac ammatoḡneta tí nimpá, dá no más iga mich anaḡmadáy.

**Jesús icpis tum mijpic
anjagooyi ijaymanic**

⁴³ Jemum pouchíy wisnajama.

Ocmi mojpgacum níqui jém

Jesús jém naxyucmi de Galilea.

⁴⁴ Porque iyaac nim jém Jesús iga:
“Wípictsonḡap jém profeta juḡquej,
pero cuando nicpa najíyooyi
itícmipic atbetet, jém itíwítam dá
iwípictsonḡayjpa.”

⁴⁵ Cuando núc Jesús Galilea,
jesic jém Galileapic píxiñtam
iwípictsonḡayj. Porque oy siḡajiyaj
jém pascuasíḡ jém Jerusalén.
Iixyajítim títam iwatne Jesús jém
Jerusalén. ⁴⁶ Nicgac Jesús jém
atbetet Caná, jém naxyucmi de
Galilea, juḡ icset jém ní iga vino.
Jesic jemum ití idíc tum mijpic
anjagooyi, icuyoxap jém rey.
Mimne jém anjagooyi ijaymanic
jém atbetet Capernaum. ⁴⁷ Cuando
ijodóḡap jém anjagooyi iga
putneum Jesús jém naxyucmi de
Judea y núcneum jém naxyucmi
de Galilea, jesic nic íam jém
Jesús. Jém anjagooyi icunucsáypa
jém Jesús iga níguiñ itíccíim iga
icpisáyiñ jém ijaymanic porque
caatoobam. ⁴⁸ Jesic Jesús inílmáy
jém píxiñ:

—Mímichám, siiga dá iníxítampa
jém wibic seña y jém wítampic
milagroyaj, dá inḡcupictámpa iga
Dios acutsat yíp naxyucmi.

⁴⁹ Pero jém anjagooyi inílmáy Jesús:

—MánQmi, siiptí tanicpa antes
que caaba jém ammanic.

⁵⁰ Jesic Jesús inílmáy jém
anjagooyi:

—Siip nicsim iníicmi. Pisneum
jém immanic.

Jém píxiñ icupic tí inílmáy Jesús.
Mojum seḡi itíicmi. ⁵¹ Iganam seḡi
idíc itíicmi jém anjagooyi, jesic
tunḡom ipát algunos de jém
icuyoxayajpaap. Miñ imétsyaj jém
iomí. Nímayta:

—Pisneum jém immanic.

⁵² Jesic jém anjagooyi icwác
jeeyaj iga juchis hora moj uxáḡaji
iga pistooba jém imaníc. Nímaj:
—Matic a la una de la tarde ichac
jém jawaj.

⁵³ Jesic jém tsixi iḡatuj ijis iga
jeetím hora Jesús inílmáy iga:
“Pisum jém immanic.” Jesic jém
píxiñ icupic Jesús con itumpiy jém
ityajwiip itíccíim.

⁵⁴ Wisten milagro iwat Jesús
cuando set jém naxyucmi de
Galilea de jém naxyucmi de Judea.
Yíp jém ocmipic.

**Jesús icpis tum píxiñ jém
meyciim iníyi Betesda**

5 Jesic yaj iwat jempic, núc jém
jama iga jém judíos iwatyajpa
tum siḡ Jerusalén. Nicítim mex jém
Jesús. ² Jemum Jerusalén ití tum
meyí watneta, taañiaḡnaça. Jém
ní iníyi Betesda jém hebreopic
aḡmatími. Nocoḡom ití jém taañi
ipuerta iníyi jém Borrego iPuerta.
Jém meyaḡnaça ití cinco corredor.
³ Woneyaj jém corredor jáyaj jém
mimneyajwiip. Itíim jém cáchti,
jém cuxuj y jém tusacanewiip
icumij. Inḡócyajpa iga tsigóypa
jém ní. ⁴ Porque aveces miñpa tum
siḡyucmipic píxiñ iga ictsigóypa
jém ní. Jesic jém wiñtipic tigíypa
jém meyḡom cuando tsigóypa jém

ni, p̄ispa de cualquier jém caacuy.
⁵Jemum íf tum p̄ixiñ tsam pecam mimne. Iniiñum jém caacuy treinta y ocho am̄t̄y. ⁶Jesic Jesús iix jém p̄ixiñ juñ wone. Ijodón̄a Jesús iga tsam pecam mimne, iñímáy jém p̄ixiñ:

—¿Iñw̄ianjam iga mip̄ispa?

⁷Jesic jém mimnewiip iñímáy Jesús:

—MánOmi, dá anai i acucompa jém meyjom cuando tsigóypa jém ni. Iganam atigiyooba aich, wiñti tigiypa tungac.

⁸Jesús iñímáy jém p̄ixiñ:

—Siip tsucumim, piñim jém iñchees, w̄ítim.

⁹Jeeti rato pisum jém p̄ixiñ, ipiñ jém ichees, mojum w̄íti.

Watta yíp milagro jém jejcuyjama.

¹⁰Jém judíos p̄imi jóyñeyaj.

Iñímáyaj jém p̄ixiñ jém pisnewiip:

—Yíp jama jém jejcuyjama. Jém tanañquímayooyi da ij̄cpa iga iñchinteñpa iñchees yíp jama.

¹¹Jesic jém mimnewiip idic iñímáy jém anjagooyiyaj:

—Jém p̄ixiñ, jém acpisnewiip, anímáy iga: “Piñim iñchees. W̄ítim.”

¹²Jesic jeeyaj icwácyaj, iñímáy:

—¿I miñímáy iga: “Piñim jém iñchees, w̄ítim”?

¹³Pero jém acpisnetawiip dá ijodon̄ i icpis porque tsam itñim jém lugar y nicneum jém Jesús.

¹⁴Jesic ocmi Jesús ic̄ts̄y jém p̄ixiñ jém mijpic masticjom. Iñímáy:

—Siip mipisneum. Odom malwat̄i eybic iga odoy iññascain̄ tum cosa más p̄imi malo.

¹⁵Jesic jém p̄ixiñ nic iñmadáy jém judíos iga Jesús jém ic̄pisnewiip.

¹⁶Jém judíos ijóyixyajpa Jesús

iga acpisóypa jém jejcuyjama.

Jeeyucmi tsam icpóyiyaj jém

Jesús. Imétsyay jūtpic iccaayajpa.

¹⁷Pero Jesús iñímáy jeeyaj:

—Jém anJatun̄ Dios yoxap hasta siip. Ich ayoxap̄tim.

¹⁸Jeeyucmi jém judíos más p̄imi iccaayajtooba jém Jesús. Porque dá solamente iga yoxap jém jejcuyjama, pero n̄impatim Jesús iga: “Ich jém Dios anJatun̄.” Jesic ts̄y jex juuts tanJatun̄ Dios.

Jém Dios iManic jextim

ip̄imi juuts jém iJatun̄

¹⁹Jesic Jesús iñímáy jém p̄ixiñtam:

—N̄uma mannímáypa iga jém Dios iManic dá iwatpa juuts ij̄ispa iyaac, iwatpa juuts iix iga iwatpa jém iJatun̄. Jém Dios iManic iwatpa jextim juuts iwatne iJatun̄. ²⁰Jém anJatun̄ Dios itoypa jém iManic y iñquejáypa itump̄y juuts je iwatpa. Ocmi Dios iñquejáypatim iManic jém más mijpic milagro y mimich̄tam tsam miámanjactampa cuando iñixtampa. ²¹Porque jém anJatun̄ Dios ic̄p̄ispa jém caaneyajwiip, ichiiba vida.

Jesap̄tim iwat jém Dios iManic, ichiibātim vida jém p̄ixiñtam jém iwianjam̄yajpáppic. ²²Jém anJatun̄ Dios da i ic̄īpiñpa. Iccám iManic juuts tum anjagooyi iga ic̄īpiñiñ itump̄y jém p̄ixiñtam, ²³iga itump̄y de jeeyaj icuj̄ipyajiñ jém Dios iManic. Jém dápic icuj̄ippa jém Dios iManic, jesic dátim icuj̄ippa jém anJatun̄ Dios jém icutsatnewiip.

²⁴Nim̄tim Jesús:

—N̄uma mannímáypa mimich̄tam, siiga immaton̄pa ich anañmat̄i y

inꝑucipca Dios jém acutsatnewiip, jesic iniifum jém vida jém ðapic cuyajpa. Jesic ða impictsonꝓa jém castigo. Michfyñe idic juuts caane jém inñanama, pero siip vivojam jém inñanama. ²⁵ Numa mannímáypa iga núcpa jém jama y siip núcneum iga jém pixiñtam, jém caaneyajwiip, imatónayyajpa jém Dios iManic ijyi. Jém icupicneyajwiip tí inñmá, ipictsonꝓajpa jém vida. ²⁶ Jém anJatuꝓ Dios iniif jém vida y wiap ichi i quej. Ichiiñetim jém iManic jexpictim pimi iga jeegacti wiap michi jém vida juutsstím anJatuꝓ Dios. ²⁷ Jém Miñnewiip Siñyucmi chiifá jém pimi iga iciipin jém pixiñtam. Jeeyucmi miñ yíp naxyucmi. ²⁸ Odoy ámanjaci cuando mannímáypa iga pisyajpa jém caaneyajwiip. Porque núcpa jém jama cuando ítumpiy jém pixiñtam, jém caaneyajwiip, imatónayyajpa jém ijyi. ²⁹ Ítumpiy jém caaneyajwiip putyajpa de jut cumneyajta. Jém iwatneyajwiip juuts iwianjam Dios, pisyajpa iga ipictsonꝓajpa jém vida iga ðam eybic caaba. Pero jém malopic pixiñtam, pisyajpatim iga ipictsonꝓajpa jém castigo jut ða nunca putpa.

Wiꝓuejpa iga Jesús iniif Dios ipimi

³⁰ Jesic nimtím Jesús:

—Ich ða tí wiap anwat anyaac. Anꝓiipinꝓa jém pixiñtam juuts anímáy Dios. Jeeyucmi ich anꝓiꝓiꝓinꝓa porque ða anwatpa juuts ich anꝓianjam, pero anwatpa juuts iwianjam jém anJatuꝓ Dios jém acutsatnewiip. ³¹ Siiga ich anyaac manañmadáypa iga Dios

acutsat, jesic ða i acupigáypa jém anañmadayooyi. ³² Íf tungac testigo jém miñmadaypáppic iga Dios acutsat. Ich anjodonꝓ iga nuumanmatpa cuando miñmáypa jut amiñ. ³³ Michtam inꝑcutsat jém pixiñtam iga niguiñ icwácay jém Xiwan jém acchínoyapaap. Jém Xiwan miñuumañmadáy, ða mimigóyáy. ³⁴ Ich ða ansunpa jém testigo iga ayoxpátpa aich, pero ammétspa jém testigo iga miyoxpáttamiñ iga miciaꝓuttámiñ mimichfam. ³⁵ Jém Xiwan jex juuts tum jucti iga miyícquejpa, agui witsocpa. Cuando íf jém Xiwan, mimichfam agui mimaymaytam iga impictsonꝓta jém Xiwan inꝓquímayooyi. ³⁶ Pero íf tum testigo más wi que jém Xiwan. Jém milagroyaj, jém anwatnewiip, tsíy juuts tum testigo para ich. Cuando anwatpa jém milagro juuts anímáy Dios, jesic quejpa iga Dios acutsat yíp naxyucmi. ³⁷ Jém anJatuꝓ, jém acutsatnewiip yíp naxyucmi, tsíyítim juuts tum testigo iga ich amiñ siñyucmi, pero mimichfam ða queman immatonꝓta jém Dios ijyi ni ða queman inñixta jém icuwiñ. ³⁸ Mimichfam, ða iniifá jém Dios inꝓmáti inñanamañjom porque ða anꝓupicta aich jém acutsatnewiip Dios. ³⁹ Mimichfam tsam inꝓcuyujcatámpa jém Dios inꝓmáti jém jayñewiip porque inñjístámpa iga jemum impátpa jém vida jém ðapic cuyajpa. Pero jém Dios inꝓmáti jém jayñewiip, miñmadáypa de aich. ⁴⁰ Mimichfam ða michíytamtooba juuts ich mañcuyujciwiñ iga wiain impictsonꝓta jém vida jém ðapic cuyajpa.

⁴¹Nimfím Jesús:

—Ich dá ammétspa jém pixiñtam yíp naxyucmi iga acujípyajiñ.

⁴²Maḡwixpicpa mimichtam, anjodoḡ iga dá inñoytámpa Dios.

⁴³Ich amiñ jém anJaṭuḡ Dios inñiyimi, pero mimichtam dá ampictsoḡta. Siiga miñpa tuḡgac pxiñ jém đapic je Dios imiichi, jesic impictsoḡtámpa. ⁴⁴¿Pero jutsap inçupicta Dios porque tsam minicujíptamtap inñaac? Đa inḡwattamtooba jém wítampic cosa iga Dios icutum micujíptamiñ.

⁴⁵Odoy jisi iga ich anaquímpa jém quejaj contra mimichtam jém anJaṭuḡ Dios iwiñjom. Pero jém Moisés numa iniquímpa jém quejaj contra mimichtam porque miñimtámpa iga inçupicta jém Moisés inçuímayooyi.

⁴⁶Siiga numa inçupicta jém Moisés inçuímayooyi, jesic inçupictámpaṭim iga Dios acutsat porque jém Moisés ijay iga ich amiñpa. ⁴⁷Pero siiga dá inçupictámpa tí ijay jém Moisés, ¿jesic jutsap inçupic tí manñímáy?

Jesús icwíc cinco mil pixiñtam

(Mt. 14:13-21; Mr. 6:30-44; Lc. 9:10-17)

6 Ocmi, cuando yaj inñasca jempic, nic Jesús jém laguna aḡwiñtuc, inñyi jém laguna Galilea, inñyítim Tiberias. ²Tsam jáyan pxiñtam itúḡḡyayjpa Jesús porque iixyay jém milagroay cuando icpis jém mimneyajwiip. ³Quím Jesús tum çotsicyucmi, iwaganacoñyay jém icuyujciwiñ. ⁴Núctooba jém pascuasḡn jém iwatyajpáppic jém judíos. ⁵Cuando ámquím Jesús, iix iga miñyajpa tsam jáyan jém pxiñtam. Jesic inñímáy jém Felipe:

—¿Júf wiap tanjuy caxtánañi iga tanacwictámpa itumpiy yípyaj pxiñtam?

⁶Ichobiynímáy jém Felipe jempic iga icutítspa, porque ijodoḡ Jesús jutsap icwíc jém pxiñtam. ⁷Jesic jém Felipe inñímáy:

—Meega tanait doscientos tumiñ de plata iga tanjuypa caxtánañi, dá ictsíypa iga cada tumtum ipictsoḡpa uxaj.

⁸Jesic jém Anti, tuḡgac jém icuyujciwiñ, jém Ximoj Peto itíwi, inñímáy Jesús:

⁹—Yiim it tum jaychixi. Iniit cinco caxtánañi de cebada y wisten tiiḡpi. Pero como tsam jáyan ityaj, dá ictsíypa ni uxaj.

¹⁰Jesic Jesús inñímáy jém icuyujciwiñ:

—Accoñyaji itumpiy jém pxiñtam.

Jesic coñyay múgaḡjom, ityaj como cinco mil jém pxiñtam. ¹¹Jesic Jesús ipic jém caxtánañi. Cuando yaj inḡwejpát Dios, ichi jém caxtánañi jém icuyujciwiñ. Jeeyaj iwécyaj, ichiyaj itumpiy jém pxiñtam jém coñyajwiip. Jempicim iwat con jém tiiḡpi. Chiyajta juuts ixunayjpa jém pxiñtam. ¹²Jesic cuando cusum wiiquiyaj, inñímáy Jesús jém icuyujciwiñ:

—Siḡp pinḡtaami itumpiy jém cutsíyñewiip iga odoy togóyiñ ni uxaj.

¹³Jesic ipiḡyay itumpiy jém cutsíyñewiip, jém đapic yaj icútyaj jém pxiñtam. Icuomyaj doce nacoḡn con jém cutsíyñewiip de jém cinco caxtánañi de cebada.

¹⁴Jesic jém pxiñtam cuando iixyay jém milagro jém iwatnewiip Jesús, nimyaj:

—Numa yíp pìxiñ jém Profeta jém tanañjòctampáppic iga miñpa yíp naxyucmi.

¹⁵Pero Jesús icutiíyíy iga miñpa imats jém pìxiñtam iga iccámpa pìmimi juuts tum rey, jeeyucmi nic icutum tum cotsicyucmi.

Wítpa Jesús jém niíwiñpacyucmi

(Mt. 14:22-27; Mr. 6:45-52)

¹⁶Jesic jocpiichabam íti. Quetyaj jém Jesús icuyujciíwiñ jém laguna aṇṇaca. ¹⁷Tigíyyaj tum barcojom, moj niqiyaj jém laguna aṇwiñtuc jém atebet Capernaum. Cupiichawum, pero danam quet jém Jesús. ¹⁸Jesic moj poyi jém sawa tsam pìmi. Agui mij jém niípoa. ¹⁹Juumi nic jém barco como cinco o seis kilómetro. Icwiñyajpa jém barco con remos. Jesic jeeti rato iixyaj iga miñpa jém Jesús, wítpa imiñ jém niíwiñpacyucmi. Núc nocojom juí it jém barco. Tsam pìmi cñyay jém icuyujciíwiñ.

²⁰Jesic Jesús inímáy jeeyaj:

—Aicham, odoy cñtaami.

²¹Jesic iwípiçtsonyaj jém icuyujciíwiñ, icquímaj Jesús jém barcojom. Jesic tumí rato núcyaj jém laguna aṇṇaca juí nicyajpa.

Jém pìxiñtam imétsyajpa jém Jesús

²²Jesic icuquejama jém pìxiñtam, jém tsíyñeyajwiip jém laguna aṇṇaca, juí tsucumyaj jém Jesús icuyujciíwiñ, ijòdòṇayaj iga íf idc jem no más tum barco. Ijòdòṇayajtim iga jém Jesús da iwagananicyaj jém icuyujciíwiñ barcojom. ²³Iganam siip ijísyaj jém pìxiñtam, núcyaj waí jém barco, tsucumyaj jém atebet de

Tiberias. Núcyaj jém laguna aṇṇaca nocojom jém lugar juí icútyajpa jém caxtánañi juí inwejpát Dios jém tánOmi. ²⁴Jesic cuando jém pìxiñtam iixyaj iga da i jém Jesús ni jém icuyujciíwiñ, tigíyyaj jém tungac barcojom, jém yaguiñpic miñyaj, nicyajtim jém atebet Capernaum iga imétsyajpa Jesús.

Jesús jém caxtánañi jém tachiipáppic vida

²⁵Jesic cuando ipátyaj jém Jesús jém laguna aṇwiñtuc niemyajpa: —MamMaestro, çjuchis miñuc yíim?

²⁶Jesic Jesús inímáy jeeyaj:

—Numa mannímáypa, mimichám ammétstámpa porque micusta mu inçúttá jém caxtánañi. Da ammétstámpa porque inçutiíyíyá tí manañquejayta con jém wibic milagro jém aṇwatnewiip. ²⁷Odoy yoxataami no más para jém wíccuy, jém itwiip yíp naxyucmi, porque je yajpa. Más wí iga miyoxatamiñ para jém tungac wíccuy jém dápic cuyajpa, jém michiipáppic jém vida jém dápic cuyajpa. Ich, jém aMiññewiip Siñyucmi, amiñ iga manchiiba jém wíccuy jém dápic cuyajpa. Quejpa iga acutsat jém anJatuñ Dios porque achi jém pìmi iga wíqñ aṇwat jém milagroyaj.

²⁸Jesic jém pìxiñtam inímáy jém Jesús:

—¿Tí wiap aṇwatta iga aṇwattámpa jém Dios iyoxacuy?

²⁹Jesús inímáy jém pìxiñtam:

—Íf tum yoxacuy iwíañjam Dios iga inwattamiñ, acupíçtaami aich jém acutsatnewiip Dios yíp naxyucmi.

³⁰ Jesic jém pixiñtam iñímáy jém Jesús:

—¿Que Jup seña anañquejáypa mimich iga mañcupictámiñ?
¿Jup milagro wiap iñwat? ³¹ Jém tanjatunwewetam wiñigam icútyaj jém maná jém titsinaxyucmi. Jayñeta jém Dios iñmañi iga: “Chiiyajta jém pixiñtam jém siñyucmipic caxtánañi.”

³² Jesic Jesús iñímáy jém pixiñtam:

—Numa mannímáypa, da je siñyucmipic caxtánañi jém ichiñewiip jém Moisés jém wiñicpic pixiñtam. Pero anJatun Dios michiiba jém nunta siñyucmipic caxtánañi. ³³ Porque jém caxtánañi, jém michiipáppic Dios, quetpa siñyucmi y ichiiba vida jém pixiñtam jém ityajwiip yíp naxyucmi.

³⁴ Jesic nimyaj jeeyaj:

—MánQmi, achiítaami siempre jexpic caxtánañi.

³⁵ Jesic Jesús iñímáy:

—Ich jém acaxtánañi jém michiipáppic jém vida. Siiga i miñpa atúnjy, jesic da nunca yuap; siiga i acupicpa aich, jesic da nunca níctitspa. ³⁶ Mannímáyta iga mex ánixñeta mimichtam, da añcupictámpa iga michíyñ juuts ich mañcuyujciwiñ. ³⁷ Itumpiy jém pixiñtam, jém achiipáppic jém anJatun Dios, miñpa atúnjyyaj. Siiga miñpa atúnjy tum pixiñ, ampictsonpa, da añquebacputpa.

³⁸ Porque ich amiñ siñyucmi iga añwatpa juuts iwianjam Dios jém acutsatnewiip. Da amiñ iga añwatpa juuts aich añwianjam.

³⁹ Jém anJatun, jém acutsatnewiip

yíp naxyucmi, da ixunpa iga togoypa ni tum jém pixiñ jém achiñewiip aich. Achiíta jém pimi iga wiañ anacpisyaj jém ampixiñtam jém caaneyajwiip jém iñañpigam jama. ⁴⁰ Porque jém anJatun Dios, jém acutsatnewiip, iwianjam iga itumpiy jém pixiñtam, siiga iixyaj jém imaníc, icupicyajpa, ipictsonyajpa jém vida jém dapic cuyajpa. Anacpisyajpa itumpiy jém ampixiñtam jém iñañpigam jama.

⁴¹ Jesic agui jóyñeyaj jém judíos. Icujiyyaj jém Jesús porque nimpa iga: “Ich jém acaxtánañi jém aquetnewiip siñyucmi.” ⁴² Nimyaj jeeyaj:

—¿Que da yíbam jém José imaníc? Tánixpígáy jém ijatun y iapa. ¿Tiiga tanímáypa iga quetne siñyucmi?

⁴³ Jesic jém Jesús iñímáy jém pixiñtam:

—Tsaci iga añcujiytámpa mimichtam. ⁴⁴ Da i wiap imiñ iga acupicpa siiga jém anJatun Dios da inimiñpa. Ich anacpispá jém ampixiñtam jém caaneyajwiip jém iñañpigam jama. ⁴⁵ Jém wiñicpic profeta ijaychacne jém librojom iga: “Dios iccuyujyajpa itumpiy jém ipixiñtam.” Siip mannímáypa iga itumpiy jém pixiñtam jém iccuyujneyajwiip jém anJatun Dios, jém imatoñneyajwiip, miñpa atúnjyyaj aich.

⁴⁶ Nimpatim Jesús:

—Ich anjodon iga da i oypa iix jém anJatun Dios, ich añcutum ánixñe. Porque ich amiñ juí it jém anJatun. ⁴⁷ Numa mannímáypa, jém acupicpaap aich, ipictsonpa jém vida jém dapic cuyajpa. ⁴⁸ Ich jém acaxtánañi, jém manchiipáppic

vida jém ďapic cuyajpa.

⁴⁹Mimichfám iñjatunwewetam, jém wiñicpic, icútyaj jém maná jém titsinaxyucmi. Pero ocmi caayajfím jeeyaj. ⁵⁰Pero siip manañmadáypa iga it tungac caxtánañi jém quetnewiip siñyucmi. Siiga i icútpa yíp caxtánañi da eybic caaba. ⁵¹Ichfím mismo jém acaxtánañi jém aquetnewiip siñyucmi. Siiga i icútpa yíp caxtánañi, itpa para siempre. Jém caxtánañi, jém manchiipáppic, ich ammiñtay. Ich anyaac anjícpa iga accaatap iga anyojáypa jém pixiñtam itánca iga ipictsonyajpa jém vida jém ďapic cuyajpa.

⁵²Jesic jém judíos nacwácyajtap entre jeeyaj. Moj áñajiyaj. Nanámayyajtap:

—¿Jutsap tachi jém imiñtay iga tançúdáypa?

⁵³Jesic Jesús iñímáy jeeyaj: —Ich jém aMiññewiip Siñyucmi, numa mannímáypa siiga mimichfám da iñcútpa ich ammiñtay y siiga da iñucpa jém anniipiñ, jesic da inií jém vida iga nicpa miñti con Dios. ⁵⁴Siiga i icútpa jém ammiñtay y iucpa anniipiñ, iniíftum jém vida jém ďapic cuyajpa; anacpisa jém iñanpigam jama. ⁵⁵Jém ammiñtay nunta wíccuy y jém anniipiñ nunta uccuy, mimatspagáypa iñanama. ⁵⁶Siiga i icútpa ammiñtay y iucpa anniipiñ, awaganaítpa aich y ich anwaganaítpa je. ⁵⁷Jém anJatun Dios jém acusatnewiip iniíftum jém vida. Ich anaíftim jém vida porque achiñe jém anJatun. Jesaneftim jém ampixiñtam jém icúnewiip jém ammiñtay, iniítyajfím jém vida jém

ďapic cuyajpa, porque ich anchiñe.

⁵⁸Manañmadáypa de jém caxtánañi jém quetnewiip siñyucmi. Yíp caxtánañi da jex juuts jém wíccuy jém maná jém icútneyajwiip jém iñjatunwewetam wiñigam. Jeeyaj caayajfím itumpiy. Pero siiga i icútpa yíp caxtánañi, iniífta jém vida jém ďapic cuyajpa para itumpiy tiempo.

⁵⁹Jesús iñquejáypa jempic jém ityajwiip jém sinagoga jém atebet Capernaum.

Tachiífta jém vida jém ďapic cuyajpa

⁶⁰Jáyan jém icuyujciwiñ cuando imatonaypa ti nimpá jém Jesús, jesic nímaya:

—Tsam tánca yíp anquímayooyi. ¿I wiap icupic?

⁶¹Jém icuyujciwiñ mojpa icuyiyaj jém Jesús. Pero je ijodon ti síp iñímaya, jesic iñímáy:

—¿Que da iñwianjamta yíp anquímayooyi? ⁶²¿Jesic ti iñjistampa siiga mimichfám ánixfampa, jém aMiññewiip Siñyucmi, cuando aquímgacpa siñyucmi juí aif idic wiñigam? ⁶³Tum pxiñ iñanama iniíftum jém ivida. Pero siiga putpa jém iñanama, jesic jém imiñtay da ti cuwatcuy. Ich anañmafi, jém manañmadayñewiip, numa iniíftum jém vida, iniíftum jém anama. ⁶⁴Pero todavía it algunos de mimichfám da iñcupictampa ich anañmafi.

Mu icupin Jesús jém icuyujciwiñ ijodon iapaap da icupicpa y iapaap iwadáypa jém atraición.

⁶⁵Jesic Jesús iñímáy itumpiy jém itúñiyajpaap:

—Jeeyucmi mannímáypa iga da i wiap imiñ iga atúñiyapa siiga jém

anJatun Dios dá ijcpa, siiga dá anamíñáypa.

⁶⁶Dende jesigam tsam jáyan jém Jesús icuyujciwiñ ichaganputyaj iga iwaganasiiba, dá más ífúñiyaj.

⁶⁷Jesic Jesús icwácpa jém doce icuyujciwiñ. Nímayta:

—¿Que mimichtam antsaganputpañim?

⁶⁸Icutson jém Ximój Peto, inímay: —MánQmi, ¿jesic í antúñyapa?

Mimich iniñ jém wibic añañti jém tachiipáppic jém vida jém dápic cuyajpa.

⁶⁹Aichtam mañcupicnetámum y anjodónanetámum iga mich miCristo jém Vivopic Dios miManic.

⁷⁰Jesic Jesús inímay jém icuyujciwiñ:

—Ich mañcupiñneta mimichtam jém doce mañcuyujciwiñ. Pero tum de mimichtam miwocciwiñ.

⁷¹Iñmatpa Jesús de jém Judas Iscariote, jém Ximój Iscariote imaníc. Je tum de jém docepic icuyujciwiñ, pero iwadáypa atraición jém Jesús.

Jém Jesús ífíwítam dá icupicyajpa

7 Jesic ocmi cuando yaj inquejáy jempic, siiba Jesús jém naxyucmi de Galilea. Dá nictooba jém naxyucmi de Judea porque jém judíos iccaayajtooba. ²Dá jáypa núc jém siñ iga iwatyajpa jém nacxíc jém judíos. ³Jesic jém Jesús ífíwítam inímayyaj:

—¿Tíiga michíy yim? Níci jém naxyucmi de Judea iga ífúñiyaj jém inçuyujciwiñ jém ífayjwiip jém naxyucmi de Judea wiap iixyay tí inwatpa. ⁴Siiga í ixunpa iga ixpictañ, jesic dá iyamwatpa

tum cosa juí dá í iixpa. Siiga mich inwatpa jexpic cosa, odoy yamwati. Wati jém píxiñtam añcucmi iga miixfaiñ.

⁵Porque jém ífíwítam dáñim icupicyajpa jém Jesús. ⁶Jesic Jesús inímay jeeyaj:

—Danam núcne jém hora iga añwatpa juuts ixunpa Dios jém naxyucmi de Judea. Pero mimichtam juchis quej wiap inñic. ⁷Jém píxiñtam, jém ífayjwiip yíp naxyucmi, dá mijóyixtámpa mimichtam. Pero tsam ajóyixyajpa aich porque ich atsíy juuts tum testigo iga tsam imalwatyajpa jeeyaj. ⁸Mimichtam, nicstaamim mixíñajítam. Ich dá añicpa porque danam núcne jém hora iga añicpa.

⁹Ocmi yaj nimi jém Jesús, jemum tsíy jém naxyucmi de Galilea.

Yamnic Jesús jém mijpic siñjom

¹⁰Cuando nicyajum siñajiyaj jém ífíwítam, jesic nicñim mex jém Jesús. Dá nic cucwiñjom, pero yamnic. ¹¹Jém judíos imétsyajpa jém Jesús siñjom. Nímyajpa:

—¿Juí íf jém píxiñ?

¹²Jesic jém píxiñtam jém ífayjwiip jém siñjom nacwáyajtap entre jeeyaj íapaap jém Jesús. Nímyajpa algunos iga agui wibic píxiñ jém Jesús. Pero tungac nímyajpa iga tsam imigóyáypa jém píxiñtam.

¹³Pero dá í inmatpa juí wiap imatonyaj jém judíos porque tsam cñyajpa. ¹⁴Cuando núcne cucmi iga siñayajpa jém píxiñtam, jesic tígy Jesús jém mijpic masticjom. Moj accuyujooyi. ¹⁵Jesic jém judíos tsam ipooñanjamyaj cuando imatonyaj jém Jesús. Nímyaj:

—Da oy cuyuji yíp pìxiñ, pero tsam jixíy.

¹⁶Jesic Jesús inífmáy jeeyaj:

—Yíp anquímayooyi da ich ammiichi. Imiichi jém acutsatnewiip. ¹⁷Siiga tum pìxiñ iwianjam iga iwatpa juuts ixunpa Dios, jesic icutiíyíypa iga Dios imiichi yíp anquímayooyi, da ich anjixquiimi. ¹⁸Siiga tum pìxiñ ijixquímpa tum anquímayooyi, iwatpa iga cujíptaiñ. Pero siiga tum pìxiñ ixunpa iga cujíptaiñ jém icutsatnewiip, jesic quejpa iga nuumanmatpa jém pìxiñ, da migóypa, da táncafy ni uxan.

¹⁹¿Que da numa michiñeta jém Moisés jém wiñicpic anquímayooyi? Pero mimichám, ni tum, da incupictámpa jém anquímayooyi. Mimichám, ¿tiiga anaccaatamtooba aich?

²⁰Nimyajpa jeeyaj:

—Mich iniif tum mal espíritu. ¿I miccaatooba?

²¹Jesic Jesús inífmáy:

—Mimichám agui impoñanjamtámpa iga ich anwat jém milagro jém jejcuy jama. ²²Jém Moisés ichac jém costumbre iga inwattamiñ jém marca de circuncisión. Datim Moisés ictsucum yíp costumbre, pero jém wiñicpic pìxiñtam iwattim jempic. Jeeyucmi mimichám inwadaytámpatim jém marca tum jaychixi y da inwadaytámpa caso siiga jejcuy jama. ²³Jesic siiga mimichám inwadaytámpa jém marca de circuncisión tum jaychixi iga inwatpa juuts nimpa jém Moisés inquímayooyi, ¿jesic tiiga anjójixpa aich siiga anacpíspa tum

pìxiñ mimnewiip jém jejcuy jama?

²⁴Odooy nìmi iga imalwatpa tum pìxiñ siiga da inwajodon. Wiciipiñi con wibic jixi.

Nimpa Jesús iga Dios icutsat yíp naxyucmi

²⁵Jesic algunos jém ifyajwiip jém Jerusalén moj nanímayyajtaji entre jeeyaj:

—¿Da yfbam jém pìxiñ jém imétsyajpáppic jém anjagooyiyaj iga accaataiñ? ²⁶Yim íf. Síp inmat jém pìxiñtam icucwiñjom. Pero da i ijyáypa. ¿Tananjam iga jém anjagooyiyaj inuntawijodon iga yíp pìxiñ jém Cristo jém icutsatnewiip Dios? ²⁷Pero taichám tanjodon jut miñ yíp pìxiñ. Pero cuando miñpa jém Cristo da i ijodon jut tsucumpa.

²⁸Jeeyucmi pimi jypa Jesús jut accuyujóypa jém mājpic masticjom, ním mu ijy:

—Numa michám ánixpicpa y injodonjam jut amiññe, pero ich da amiñ anyaac. Jém acutsatnewiip je jém numapic Dios, michám da inixpictámpa. ²⁹Pero ich ánixpicpa porque ich amiññe Dioscim, jeam acutsatne.

³⁰Jeeyucmi jém anjagooyiyaj tsam imatsyajtooba jém Jesús. Pero da i wiap imats porque danam núcne jém hora iga matstap. ³¹Y tsam jáyan jém pìxiñtam icupicyaj jém Jesús. Nimyajpa:

—Cuando miñpa jém Cristo, ¿que wiap iwat tungac más wibic milagro que jém iwatnewiip yíp pìxiñ? Da wiap.

Jém fariseoyaj icutsat jém policía iga imachiñ jém Jesús

³²Jesic jém fariseopic anjagooyiyaj imatonyaj tí nimyajpa jém pìxiñtam

de jém Jesús. Jesic jeeyaj con jém panij anjagooyiyaj icutsat jém masticjompic policia iga niguiñ imatsyaj jém Jesús. ³³Jeeyucmi Jesús inímáy jém pixiñtam:

—Apoiítpa con mimichám tum rato. Da jáypa nicpa aítí juí íf jém acutsatnewiip. ³⁴Michám ammétstámpa, pero da ampátstámpa porque nicpa aítí juí mimichám da wiap inñicta.

³⁵Jesic jém judíos moj nacwácyajtaji entre jeeyaj:

—¿Juí nicpa yíp pixiñ iga da wiap tampátta? ¿Tananjam nicpa jém tungac naxyucmi juí íf jém Israelpic pixiñtam jém inmatyajpáppic griego iga iccuyujpa jém griegoyaj?

³⁶¿Ti nimtooba yíp pixiñ cuando nimpa iga: “Michám ammétstámpa, pero da wiap ampátta y juí nicpa aítí, da wiap inñúcta”?

Jém ni jém tachiipáppic vida

³⁷Jesic núc jém jama iga cuyajpa jém sin, jém más mijpic jama. Teñchucum jém Jesús jém pixiñtam anucmi. Pimi ijíyáypa jém pixiñtam, nímayyajtaj:

—Siiga miñctitstámpa, miñi manacnicpa. ³⁸Siiga tum pixiñ acupicpa aich, jesic iniít juuts nimpa jém Dios inmatí: “Tum mijpic niixcuy inamanjom.”

³⁹Cuando inmatpa jempic, nimtooba Jesús iga jém icupicneyajwiip, ipictsoyyajpa jém Dios inama. Porque danam núcne jém Dios inama hasta nicgacpa Jesús sinyucmi.

Naweecyajtaj jém pixiñtam

⁴⁰Jesic cuando jém pixiñtam imatoyajpa tí nimpa jém Jesús,

nimyajpa algunos iga: “Yíp pixiñ numa jém profeta jém tananjócnewiip.”

⁴¹Pero tungac de jeeyaj nimyajpa: —Yíp pixiñ numa jém Cristo jém icutsatnewiip Dios.

Pero jém tungac más de jeeyaj nimyajpa:

—¿Que wiap imiñ jém Cristo de Galilea? ⁴²Tanjodon iga nimpa jém Dios inmatí iga jém Cristo jém David icmanic imaníc. Naypa jém Belén, jeetim atebet juí íf idic jém David.

⁴³Jempigam nawécyajta jém pixiñtam. ⁴⁴Algunos de jeeyaj imatsyajtooba jém Jesús, pero da i wiap mimats.

Jém anjagooyiyaj da icupicyaj jém Jesús

⁴⁵Jesic jém mastic ipolicia setyajum juí ityaj jém panij anjagooyiyaj con jém fariseoyaj. Jesic acwácyajta jém policia:

—¿Tiiga da inimiñta jém preso?

⁴⁶Nimyaj jém policia:

—Da i nunca wiap inmat juuts jém pixiñ.

⁴⁷Jém fariseoyaj inímayyaj jém policia:

—¿Que mich incupictámpatim jém migooyi? ⁴⁸Injodontam iga jém tananjagooyiyaj ni jém fariseoyaj da icupicyajpa yíp pixiñ. ⁴⁹Pero yípyaj pixiñtam da icutiyyiyajpa jém tananquímayooyi, jeeyaj da wiap inúcyaj juí íf Dios.

⁵⁰Jesic jém Nicodemo, jém oyñewiip íam jém Jesús tsuucim, tum fariseopic anjagooyi, inímáy:

⁵¹—Jém tananquímayooyi da ijícpa iga chiiñtaj castigo tum pixiñ

siiga da wiñti ciipintap iga quejiñ siiga imalwatne.

⁵² Jém tuḡac anjagooyiyaj iñimayyaj jém Nicodemo:
—¿Que mich miGalileapicím mipixiñ? Cuyujcai jém Dios inḡaḡi iga iñjodónaiñ iga ni tum jém profeta da miñpa de jém naxyucmi de Galilea.

⁵³ Jesic cada tumtum nicyaj íficciim.

Matsta tum yomo jém pejoypáppic

8 Pero nic Jesús jém cotsicyucmi iñiyi Olivos. ² Jesic jém tuḡac jama, icuquejama, nicgacpa Jesús jém miḡpic masticjom. Anḡuumayaj jém pixiñtam iga imatoḡyajpa. Jesic coñ jém Jesús, moj inḡuejáy jém anḡuumaneyajwiip. ³ Jesic algunos jém escribapic maestroyaj con algunos jém fariseoyaj inimiñyaj tum yomo juḡ íf Jesús. Matsta jém yomo porque páḡta juḡ pejóypa ixi. Namiñta jém yomo hasta jém pixiñtam anḡucmi iga icwácayajpa jém Jesús.

⁴ Nímayḡap:

—Maestro, matsta yíp yomo porque páḡta juḡ pejóypa ixi.

⁵ Nímpa jém Moisés inḡuímayooyi iga tannáscatámiñ tsaami jém pejoypaap. Jesic mich anímaayi jup castigo tanchiiba yíp yomo.

⁶ Nímayajpa jempic jém fariseoyaj iga icuḡtspa jém Jesús. Imétsyajpa juḡpic iquejajwadayyajpa jém Jesús. Jesic cómneactiḡ jém Jesús, moj jayi naxyucmi con ici. ⁷ Pero jeeyaj da ichacpa iga icwácayajpa. Jesic teñchucum jém Jesús, iñimáy jém inimiññewiip jém yomo:

—Siiga tum de mimichfam da mifáncaíy, wḡ iga inñyígáypa con jém wiñtipic tsa.

⁸ Jesic eybicím cómneactiḡ jém Jesús, moḡgacum jayi naxyucmi con ici. ⁹ Jesic cuando jém pixiñtam imatoḡyaj íf iñimáy jém Jesús, agui iḡsyajpa íanamaḡjom iga táncaíyím. Tumtumti moj niḡuiyaj. Wiñti nicyaj jém más tsamipic hasta cuniḡayyaj ífumḡiyaj. Jesic icuḡtumtim tsíy jém Jesús con jém yomo, jemum teñ jém cuarto icucmi. ¹⁰ Jesic teñchucum jém Jesús. Da í iix, tsíy no más jém yomo. Jesic Jesús iñimáy:

—Miyomo, ¿juḡ íf jém miquejajwadaypáppic? ¿Que da í wia michi castigo?

¹¹ Jém yomo icutsoḡ. Iñimáy:

—Da í, mánOmi.

Jesic Jesús iñimáy jém yomo:

—Ich dáḡim manchiiba castigo. Siip nicsim. Odom malwaḡi eybic.

Jesús jém wibic juctianḡsoca

¹² Ocmi eybicím accuyujóypa Jesús, iñimáy:

—Icham jém ajuctianḡsoca, amiñ iga anyicquejpa jém íḡyajwiip yíp naxyucmi. Jém atúḡiyapaap da siiba jém piichciim, pero iniif jém jucti anḡsoca íanamaḡjom, jém ichiipáppic vida jém ḡapic cuyajpa.

¹³ Jesic jém fariseoyaj iñimayyaj jém Jesús:

—Mich inyaac miḡmatpa iga miḡapaap, jeeyucmi da quejpa iga miñuumamaḡmatpa.

¹⁴ Jesic Jesús iñimáy jeeyaj:

—Siiga ich anyaac anaḡmatpa iga aḡapaap, jesic nḡma jém anaḡmaḡi porque anḡodoḡ juḡ amiñ y anḡodoḡtim juḡ anicpa. Pero mimichfam da iñjodoḡtam juḡ amiñ ni dáḡim inḡodoḡ juḡ anicpa.

¹⁵Michfám miciipinoytámpa juuts nímpa yíp naxyucmipic aṅquímayooyi. Ich dá i aṅciipinpa.

¹⁶Pero siiga aciipínóypa juuts tum juez, jesic awicípínóypa porque dá anyaac aciipínóypa. Aṅwaganaciipínóypa jém anJatuṅ Dios jém acutsatnewiip yíp naxyucmi. ¹⁷Jayñetawum michfámpic iniṅquímayooyi: “Siiga wisten testigo nimpátim jempic, wí iga taṅcupicpa.” ¹⁸Jesic ítum wí porque anyaac atsíy juuts tum testigo iga manaṅmadáypa aṅapaap. Tsýyítim juuts testigo jém anJatuṅ Dios, jém acutsatnewiip yíp naxyucmi.

¹⁹Jesic icwácyajpa jeeyaj.

Nímaytáp jém Jesús:

—¿Juí íf jém inṅatuṅ?

Jesús icutsoṅ, inífmáy jeeyaj:

—Mimichfám dá ánixpicta aich ni dátim iníxpicta jém anJatuṅ Dios. Siiga ánixpicta aich, jesic iníxpictámpátim jém anJatuṅ Dios.

²⁰Jempigam inmatpa Jesús jém mijpic masticjom iganam accuyóypa jém cuarto juí pinṅap jém ofrenda. Pero dá i wiap imats porque dánam núcne jém ihora.

Jém dápic icupicpa Jesús dá wiap inícyaj juí nicpa je

²¹Jesic eybicítim inífmáy jeeyaj:

—Ich anicpa. Mimichfám ammétstámpa, pero dá wiap ampátta. Jesic cuando micaanetámum, nicpa inyojta jém inífanca juí dá nunca miputpa. Juí ich anicpa, mimichfám dá wiap iníñicta.

²²Jesic nímajpa jém judíos:

—¿Juí nicpa yíp pixiní? ¿Que nacaatáp iyaac? Porque nímpa:

“Juí ich anicpa, michfám dá wiap iníñicta.”

²³Jesic Jesús inífmáy jeeyaj:

—Mimichfám miñaxwiñpic, ich asiñwiñpic, ich amiñ siñyucmi. Mimichfám yíp naxyucmipic mipixiñfám, ich dá yíp naxyucmipic apixiñ.

²⁴Jeeyucmi manífmáypa iga cuando micaanetámum, nicpa inyojta jém inífanca. Porque siiga dá inṅcupictámpa iga ich amiñ siñyucmi, jesic cuando micaanetámum, nicpa inyojta jém inífanca.

²⁵Jesic icwácyajpa jeeyaj, nímaytá jém Jesús:

—¿Que mich miṅapaap?

Jesic Jesús inífmáy:

—Ich ajeam juuts mannímayñe wíñti. ²⁶Wiá manaṅquejayta iga mimichfám tsam mitáncaiyta y wiapítim meega maṅciipinpa mimichfám. Pero dá aṅwatpa, porque nada más anaṅmatpa yíp naxyucmi jém aṅquímayooyi jém anímayñewiip jém acutsatnewiip. Je dá migóypa, siempre nuumanṅmatpa.

²⁷Pero dá icutiíyiyaj iga nimtooba Jesús iga jém tanJatuṅ Dios ichiñe jém inṅquímayooyi.

²⁸Jeeyucmi Jesús inífmáy jém pixinífám:

—Ich jém aMiñnewiip Siñyucmi y cuando acquímtap aich jém cunusyucmi, jesic inṅcutiíyiytámpa aṅapaap. Manaṅmadaytámpa jém aṅquímayooyi jém aṅquejayñewiip jém anJatuṅ Dios. Dá anyaac anjixquímpa. ²⁹Jém anJatuṅ Dios jém acutsatnewiip yíp naxyucmi, aṅwaganaií aich. Da atsacne

añcutum porque siempre añwatpa juuts je iwianjam.

³⁰Iganam inmatpa jempic jém Jesús, jesic jáyan jém pixiñtam moj icupicyaj.

Jém Dios imanictam y jém icuyoxayajpáppic jém Wocciwiñ

³¹Jesic Jesús inñmáy jém judíos jém siippic icupicneyaj:

—Siiga mimichám da inñactámpa iga inñwattámpa juuts mannímáypa, jesic numa michíyfa iga mançuyujciwiñ.

³²Wiap inçutiñyíyfa jém numapic añquímayooyi, jesic jém numapic añquímayooyi miccutsigaytámpa iga odoy michíyftamiñ juuts tum esclavo.

³³Jesic los de más jém judíos, jém dápíc icupicneyaj Jesús, inñmayyaj:

—Aichám jém Abraham amanictam. Da nunca atsíyfa juuts tum esclavo. ¿Tiiga annímaytámpa iga acutsigaytamtaiñ?

³⁴Jesic Jesús inñmáy jeeyaj:

—Numa mannímáypa, itumpiy jém imalwatyajpáppic tsíy juuts esclavo porque iwatpa juuts ipimíyfa jém malopic jixi iñamanjom. ³⁵Mannímáypatim iga tum esclavo da wiap iwaganaiñ jém iomi itumpiy tiempo. Pero tum pixiñ imaníc wiap iwaganaiñ jém iñatun itumpiy tiempo. ³⁶Siiga Dios imaníc miccutsigáypa, jesic da michíyfa juuts esclavo iga inçuyoxap jém Wocciwiñ.

³⁷Ich anjodon iga mimichám jém Abraham mimanictam, pero mimichám añcumectámpa iga anacatamtooba aich porque da inñwianjamta tí manañmadáypa.

³⁸Manañmadáypa jém añquímayooyi jém añquejayñewiip anJatun Dios. Pero mimichám inñwattámpa juuts miñmayfa mimichám inñatun.

³⁹Jesic jeeyaj inñmayyaj jém Jesús:

—Aichám añjatun jém Abraham.

Jesic Jesús inñmáypa:

—Siiga numa mimichám jém Abraham mimanictam, wi iga inñwattámpatim juuts iwatpa jém Abraham. ⁴⁰Pero mimichám añcumectámpa iga anacatámpa aich, aunque manañmadayñe jém numapic inçquímayooyi jém achiiñewiip anJatun Dios. Jém Abraham da nunca iwat jempic. ⁴¹Michám, siip inñwattámpatim juuts iwatpa mich inñatun.

Jesic jeeyaj inñmayyaj jém Jesús:

—Aichám da je pejpen. Aichám anJatun tum, jém Dios anJatun.

⁴²Jesic Jesús inñmáy jeeyaj:

—Siiga numa Dios inñjatun, tienes que antoytámpa aich porque ich amiñne juñ it Dios. Ich da amiñ anyaac; Dios acutsatne yíp naxyucmi. ⁴³¿Tiiga da inçutiñyíyftámpa tí mannímáypa? Da wiap inçutiñyíyfa porque da inçupicpa ich anañmadayooyi.

⁴⁴Mimichám inñjatun jém Wocciwiñ. Jeam mimiichíam. Inñwianjamta iga inñwattámpa juuts ixunpa jém inñjatun. Jém Wocciwiñ jém accaoypáppic dende wiñigam. Datim nunca nuumanmatpa. Inñmatpa migoooyi porque je jém migoypaap, ictsucum jém migoooyi.

⁴⁵Aunque ich mannuumanmadáypa, mimichám da añcupictámpa.

⁴⁶Ni tum de mimichám da wiap

ampádáy ich antánca. Siiga mannuumanmatpa, ¿jesic fiiga dá aŋcupictámpa aich? ⁴⁷Siiga Dios imiichi tum pìxiñ, iwimatoŋpa jém Dios iŋmafi. Mimichfam dá je Dios mimiichifam jeeyucmi dá immatoŋtámpa jém Dios iŋmafi.

Iftim jém tánQmi Cristo cuando danam i jém Abraham

⁴⁸Jesic jém judíos imalnímáy jém Jesús, nìmyaj:

—¿Da mannímáy iga Samariapic mipìxiñ y tum mal espíritu iniif íñanamajom?

⁴⁹Jesic Jesús inímáy:

—Ich dá anaì jém mal espíritu. Ich aŋwatpa jém wítampic cosa iga wixtáin jém anJatuŋ Dios. Pero mimichfam dá aŋwixtámpa aich. ⁵⁰Ich anyaac dá ammétspa iga acujíptáin. Jém anJatuŋ Dios ixunpa iga acujíptáin. Jeetim anJatuŋ iciipiŋpa jém malopíc pìxiñtam, ichiiba castigo. ⁵¹Numa mannímáypa, siiga tum pìxiñ icupicpa ich anaŋmadayooyi, jesic dá nunca caaba.

⁵²Jesic jém judíos inímayyaj jém Jesús:

—Siip aŋcutiyyítámpa iga mich iniif tum mal espíritu íñanamajom. Tsam wiñigam ca jém Abraham. Caayajtim jém wiñicpic profeta, pero mich miñimpa iga siiga tum pìxiñ icupicpa jém iniŋmadayooyi, jesic dá nunca caaba. ⁵³¿Que mich más miwìap que jém anjatuŋ Abraham jém caanewiip? Cucaayajtim itumpiy jém wiñicpic profeta. ¿Mich tí injìspa iga miŋapaap?

⁵⁴Jesic Jesús icutsoŋ, inímáy jeeyaj:

—Siiga anacujíptap anyaac, jesic dá tí acuwatcuy. Pero anJatuŋ Dios acujíppa. Jeetim Dios, jém miñimtampáppic iga mich inDios.

⁵⁵Pero mimichfam dá inixpictámpa Dios. Ich numa ánixpicpa. Siiga mannímáypa iga dá ánixpicpa Dios, jesic amigóypatim juuts mimichfam. Pero ich numa ánixpicpa Dios y siempre aŋwatpa juuts je aŋmadáy.

⁵⁶Agui iwianjam jém injatuj Abraham iga wìap iix jém jama iga amiñ yíp naxyucmi, agui maymay mu iix jém jama.

⁵⁷Jesic jém judíos inímayyaj jém Jesús:

—Mich dá iniì ni cincuenta inámtyì y miñimpa iga inixñe jém Abraham?

⁵⁸Jesic Jesús inímáy:

—Numa mannímáypa cuando danam nayñe jém Abraham, ich aiftim.

⁵⁹Jesic jém pìxiñtam ipiŋyaj tsa iga inácscayajpa idic tsaami. Pero yam jém Jesús, put jém maŋticjom, nas jém pìxiñtam aŋcucmi. Nic.

Jesús icpis tum pìxiñ cachti mu inay

9 Cuando naspa Jesús tum lugar, iix tum pìxiñ, cáchtì mu inay. ²Jesic jém Jesús icuyujciwiñ icwácyajpa. Nímayta:

—MamMaestro, ¿fiiga cáchtì yíp pìxiñ mu inay? ¿Que yíp pìxiñ iyaac iwat tãŋca, o jém iŋatuŋ con iapa iwat tãŋca iga cáchtì mu inay?

³Jesic Jesús inímáy jém icuyujciwiñ:

—Da cáchtí yíp pìxiñ iga táncafy iyaac o iga táncafy jém ijatuj o iapa. Cáchtíā yíp pìxiñ iga íxtaiñ iga Dios wiap iwat jém wibic milagro. ⁴Iganam siññi wí iga tañwatpa jém Dios iyoxacuy jém acutsatnewiip, porque miñpa jém piichi cuando da i wiap iwat jém yoxacuy. ⁵Iganam aiñ yíp naxyucmi, jesic ich jém wibic juctiañtsoca, anyicquejpa jém ífyajwiip yíp naxyucmi.

⁶Jesic yaj íñímáy jempic, Jesús tsujpa naxyucmi, iwat uxañ tuuti con ichuyñi, iccámáy jém tuuti jém cáchtí iixcuyucmi. ⁷Jesic íñímáy jém cáchtí:

—Niği cutseaayi jém íñixcuy jém meyjom jém lugar Siloé.

Taichtam tanañmañimi jém Siloé niñtooba jém cutsatnetawwiip.

Jesic jém cáchtí nicpa icutseáy jém iixcuy. Cuando setpa, ixixóypam. ⁸Jesic jém ivecinoyaj con jém iixñeyajwiip idic cuando iwácpa tumiñ, moj nanímayyajtaji entre jeeyaj:

—¿Que da yíbam jém coññepaap idic yim iga iwácpa tumiñ?

⁹Nimyajpa algunos:

—Numa, yíbam jém pìxiñ.

Tuñgac nimyajpa:

—Quénam jeam, pero da je.

Pero jém cáchtípíic idic nimpa:

—Aicham.

¹⁰Jesic jém añtuumañeyajwiip íñímayyaj jém cáchtípíic idic:

—¿Jutsa mítoj jém íñixcuy?

¹¹Nimpa jém cáchtípíic idic:

—Jém pìxiñ íñiyi Jesús iwat uxañ tuuti, accámáy ánixcuyucmi y anímáy iga: “Niği cutseaayi jém íñixcuy jém meyjom jém lugar

Siloé.” Jesic oy añcutseáy ánixcuy, mojum aixixooyi.

¹²Jesic nimyaj jeeyaj:

—¿Siip juñ íf jém pìxiñ?

Jém cáchtípíic idic icutsoj:

—Da anjodoñ juñ iij.

Jém fariseoyaj icwácyajpa jém cachtipic idic

¹³Jesic ocmim nanieta jém cáchtípíic idic jém anjagooyiciim juñ íf jém fariseoyaj. ¹⁴Jejucyjama idic cuando jém Jesús iwat uxañ jém tuuti iga ictojoy jém cáchtí iixcuy. ¹⁵Jesic jém fariseoyaj eybic icwácyaj jém cáchtípíic idic. Nímayta:

—¿Jutsa miixixóy?

Jesic jém cáchtípíic idic nimpa:

—Jém pìxiñ accámáy uxañ jém tuuti ánixcuyucmi. Oy añcutseáy jém ánixcuy jém meyjom. Siip aixixóypam.

¹⁶Jesic algunos jém fariseoyaj nimyaj:

—Jém pìxiñ, jém iwatnewiip jempic, da je de Dios porque yoxap jém jejucyjama contra jém tanañquímayooyi.

Pero jém tuñgac jém fariseoyaj nimyajpa:

—¿Pero jutsap iwat jém wibic milagro siiga táncafyim jém pìxiñ?

Jesic nawécyajta jém fariseoyaj. Agui añayajpa. ¹⁷Eybictim acwácta jém cáchtípíic idic. Nímayta:

—¿Mich ti miñimpa, iapaap jém mictojoyñewiip íñixcuy?

Nimpa jém cáchtípíic idic:

—Je tum profeta.

¹⁸Pero jém judíos da icupicyajpa iga cáchtí idic jém pìxiñ. Datim icupicyajpa iga actojayta iixcuy

hasta que inwejáyayaj jém pìxiñ ijatuḡ con iapa. ¹⁹Jém fariseoyaj icwácyajpa jém pìxiñ ijatuḡ.

Nímayta:

—¿Que yíp pìxiñ mich immanic, jém miñmpaap iga cáchtí mu iñay? ¿Jutsap miixixóy siip?

²⁰Jesic nímyaj ijatuḡ con iapa:

—Anjodoḡ iga numa yíbam jém ammanic, cáchtí miñay. ²¹Pero da anjodoḡ jutsa miixixóy y ni dátim anjodoḡ i ictojáy jém iixcuy. Acwaaci jém ammanic porque siip mijam, wiap miñmadáy iyaac i ictojáy iixcuy.

²²Jempigam nìmpa jém cáchtípìc idíc ijatuḡ con iapa porque icìnyajpa jém judíos. Porque jeeyaj iccám tum orde siiga nìmpa tum pìxiñ iga jém Jesús je jém Cristo, jesic quebacputtap jém sinagoga.

²³Jeeyucmi nímyaj jém pìxiñ ijatuḡ con iapa iga: “Acwaaci jém ammanic porque siip mijam jém ammanic.”

²⁴Jesic jém judíos eybicím inwejáypa jém cáchtípìc idíc. Nímayta:

—Anuntawianmadaayi. Jìsi iga Dios taixpa. Odoy amigóyaayi. Ichám anjodoḡ iga táncaíy jém pìxiñ jém miñmpaap iga micpis.

²⁵Jesic jém cáchtípìc idíc iñímáy jém anjagooyi:

—Ich da anjodoḡ siiga táncaíy jém pìxiñ. Pero annuntawijodoḡ iga acáchtí idíc y siip aixixóypam.

²⁶Jesic eybicím acwácta. Nímayta jém cáchtípìc idíc:

—¿Tí miwadáy jém pìxiñ? ¿Jutsa mictojáy jém ínixcuy?

²⁷Jém cáchtípìc idíc iñímáy jém anjagooyi:

—Mannímayñeum tí awadáy jém pìxiñ, pero mimichám da inçupictámpa tí mannímayñe. ¿Tíiga anacwáctámpa eybic? ¿Que michíyfooba juuts icuyujciwiñ?

²⁸Jesic agui jóyyaj jém anjagooyiyaj. Moj imalmalnímayyaj jém pìxiñ. Nímayta jém cáchtípìc idíc:

—Mimich micuyujciwiñ jém pìxiñ. Aichám jém Moisés acuyujciwiñ. ²⁹Ichám anjodoḡ iga wiñigam Dios jiyáy jém Moisés, pero yíp Jesús ni da anjodoḡ juípìc pìxiñ.

³⁰Jesic jém cáchtípìc idíc iñímáy jém anjagooyi:

—Yíp cosa da oypa tánix. Mimichám miñimtámpa iga inçupicne Dios, pero da injodoḡtam juípìc pìxiñ actojáy ánixcuy. ³¹Tañwijodoḡ iga Dios da imatónáypa tum malopìc pìxiñ. Pero siiga tum pìxiñ ijìspa Dios y iwatpa juuts ixunpa Dios, jesic numa Dios imatónáypa. ³²Nunca oypa tammatoḡ iga tum pìxiñ wiap ictojáy tum cáchtí iixcuy jém cáchtípìc miñay. ³³Siiga yíp pìxiñ da je de Dios, jesic da tí wiap iwat.

³⁴Jesic jeeyaj iñímayyaj jém pìxiñ:

—Mich tsam pìmi mitáncaíy miññay. ¿Que mich siip anaccuyjtoobam aich?

Jesic quebacputta jém sinagoga jém cáchtípìc idíc.

Tsáy juuts cáchtí jém ápic icutiíyí jém Dios inmaḡi

³⁵Jesic Jesús ijodóna iga quebacputta jém sinagoga jém cáchtípìc idíc. Cuando mipát jém pìxiñ, jesic Jesús iñímáy:

—¿Que mich iŋcupicpa jém Dios iManic?

³⁶Jém p̄ixiñ iñímáy jém Jesús:

—MánQmi, anímaayi: ¿Iapaap jém Dios iManic iga wiñiñ aŋcupic?

³⁷Jesic Jesús iñímáy:

—Mich iñixñe. Aicham jém Dios aManic jém siŋppic miniŋmat.

³⁸Jesic jém cáchtipic idíc coŋteñneactiŋ jém Jesús iwiñjom. Iñímáy:

—MánQmi, maŋcupicpa.

³⁹Jesic Jesús iñímáy jém ityajwiip jem:

—Ich amiñ yíp naxyucmi iga aŋciŋpiŋyaja jém p̄ixiñtam. Amiñ iga ixixóyiñ jém cáchtipic, amiñ iga cáchtiajajiñ jém ixixoypáppic.

⁴⁰Jesic algunos jém fariseoyaj jém iwaganaityajwiip Jesús, cuando imatoŋyaj ti iŋmadáy, niŋyaj:

—¿Que mijunimpa iga aicham acáchtiitam?

⁴¹Jesic Jesús icutsoŋ. Nímayyajta:

—Meega micáchti, jesic dá i michégáypa jém iñtánca, pero como miñimtámpa iga miixixóypa, jesic michiytámpa con jém iñtánca.

Jém iwatpáppic cuenta jém borrego

10 Numa mannímáypa, siiga tum p̄ixiñ dá tiŋiypa jém borrego itaani ijipjom, pero tiŋiypa tum aŋeymi, jesic quejpa iga tum númpaap, p̄imimi ininígáypa tuŋgac imiichi.

²Pero siiga tum p̄ixiñ tiŋiypa jém taañi ijipjom, jesic quejpa iga jém borrego iomi. ³Cuando núc jém borrego iomi, jesic jém iwatpáppic cuenta jém puerta, iŋáypa jém puerta iga tiŋiyiñ jém borrego iomi. Jém borregoyaj,

jém imiichiŋp̄ic, iixp̄icyajpa jém iomi. Imatónactiŋyáypa jém iomi ijiyi. Jesic jém p̄ixiñ iŋwejáypa jém iborregoyaj jém imiichiŋp̄ic con iñiyi. Itoppa jém taañjom.

⁴Jesic cuando yajum itop itumpiy jém iborregoyaj, mojum niŋuiyay. Jém iomi aŋjagoyñeeba iñic, jém iborregoyaj itúŋiyaypa porque imatónactiŋyáypa ijiyi. ⁵Jém borregoyaj dá itúŋiyaypa jém tuŋgac p̄ixiñ jém dápic iixp̄icpa. Iciŋyaja, cupóyayyaja porque imatónactiŋyáypa iga dá je iomi ijiyi.

⁶Jesús iŋquejáypa jém p̄ixiñtam con yíp cuento, pero jeeyaj dá icutiŋiyaypa ti iŋmadaytooba jém Jesús.

Jesús jém wibic pastor iwatpa cuenta jém iborregoyaj

⁷Jesic Jesús eybićtim iŋmadáypa jém p̄ixiñtam. Niŋpa:

—Numa mannímáypa iga icham jém apuerta juť tiŋiyaypa jém borregoyaj. ⁸Jém tuŋgac maestroyaj, jém wiñtipic miñyay cuando danam anúcne, je jém númyajpaap, pero jém borregoyaj dá iwadayyaja caso. ⁹Icham jém apuerta. Siiga i tiŋiypa con aich, jesic ciacputtap. Jex juuts tum borrego tiŋiypa y putpa jém itaanijom y ipátpa jém w̄itampic múc.

¹⁰Jém númpaap miñ iga númpa, accaóypa, icujíñáypa jém p̄ixiñtam. Pero ich amiñ iga anchiiba jém p̄ixiñtam jém vida iga iniidiñ jáyaŋ. ¹¹Ich jém wibic apastor tsam aŋwiidap jém amborregoyaj. Jém wibic pastor nachiiŋap iga accaatap iga jem̄pigam icupujpa

jém iborregoyaj. ¹²Pero jém coñwíyoypaap jempic yoxap iga yojtap, da je pastor, da imiichi jém borrego. Jesic cuando iixpa iga miñpa jém lobo, cñpa jém pìxiñ, ichacpa jém borregoyaj, poypa. Jesic jém lobo imatspa jém borregoyaj, iccupóyayajpa.

¹³Poypa jém yoxapaap porque nada más coñwíyóypa, da ijíspa jém borregoyaj, porque da je imiichi.

¹⁴Ich jém wibic apastor.

Ánixpicpa jém ampìxiñtam y jeeyaj aixpicayajpatim aich. ¹⁵Jextim juuts jém anJatuj Dios aixpicpa aich y ich ánixpicpatim jém anJatuj. Ich anyaac anachiitap iga accaatap iga jempigam añcupujpa jém amborregoyaj. ¹⁶Anaitim tungac jém amborregoyaj, da yimpic, ich anamiñpatim. Amatónayajpatim ich anjìyi, acupicpatim mex jeeyaj. Jesic anañtuumawatpa itumpiyaj iga wagaityajiñ tumti lugar y tumti pastor injacyajpa.

¹⁷Jém anJatuj Dios tsam atoypa porque anyaac anachiitap iga accaatap. Jesic ocmi anyaacim ampictsonpa eybic jém amvida.

¹⁸Jém ánenemigoyaj da wiap acca, pero ich anyaac anjícpa iga accaatap. Ich anait jém pimi iga anyaac anachiitap iga accaatap. Anaitim jém pimi iga anyaac ampictsonpa eybic jém amvida. Jempigam anwatpa porque apimíy jém anJatuj Dios.

¹⁹Jesic cuando jém judíos imatonayajpa ti nimpa jém Jesús, moypa añajiyaj. Nawécayajtap eybic.

²⁰Waí de jeeyaj nimyaj:

—¿Tiiga inwadaytampa caso? Yíp pìxiñ iniit tum mal espíritu, tsam locoanmatpa.

²¹Pero tungac de jeeyaj nimyaj: —Jém iniitwiip tum mal espíritu da wiap inmat jém wibic añmatì juuts inmatpa yíp pìxiñ. Jém mal espíritu da wiap ictojáy tum cáchti ixcuy.

Jém judíos inácscayajtooba tsaami jém Jesús

²²Jesic núc jém tiempo de succuc cuando jém Jerusalénpic pìxiñtam icusñacayajpa jém mijpic mastic. Wattap jém sij cada amtiy. ²³Jesic nic Jesús jém mijpic masticjom, widañnaspas jém corredor inñyi Salomón. ²⁴Jesic añtuumaneyaj tsam jáyan jém judíos, icuteñxetyaj jém Jesús. Nimyaj jeeyaj:

—¿Mijapaap? Tsam anjodónatooba. Siiga micham miCristo, siibam nunta añmatì.

²⁵Jesic Jesús inímáy jeeyaj:

—Mannímayñeum iga ich aCristo, pero da incupicta ti mannímáy. Añwat jém milagroyaj con jém anJatuj Dios ipimi iga wiquejñ iga icham aCristo. ²⁶Pero mimichfam da incupictampa porque da je mamborregotam juuts mannímayñe pecam. ²⁷Ich amborregoyaj amatónactiyyáypa jém anjìyi y ich ánixpicpatim jém amborregoyaj. Jeeyaj atúnjyyajpa. ²⁸Anchiiba jém amborregoyaj jém vida jém dápic cuyajpa. Jesic da nunca togoypa. Da i wiap atobáyáy ich añciñjom. ²⁹Jém anJatuj Dios achi jém amborregoyaj y da i wiap atobáyáy jém amborregoyaj jém anJatuj Dios icijjom, porque jém anJatuj Dios tsam wiap. Je iniit itumpiy ipimi. ³⁰Ich con jém anJatuj Dios atumtítam.

³¹Jesic jém judíos eybictím ipinyajpa tsa iga inácscayajpa tsaami Jesús. ³²Jesic Jesús inímáypa jeeyaj:

—Jáyan wítampic milagro anwat mimichtámanjom jém anJatuḡ Dios ipimimi. ¿Jup milagro ananúcpa iga annáscatámpa tsaami?

³³Jesic jém judíos inímayyaj Jesús:

—Da mannáscatámpa tsaami iga inwatne jém wítampic milagro. Mannáscatámpa tsaami iga inçujyipa tanDios. Mich mipixiñ, pero miñimpa iga mich miDios.

³⁴Jesic Jesús inímáy jeeyaj: —¿Que da jayñetawum jém Moisés inçuímayooyi iga nimpa Dios: “Mimichtám midióstam”? ³⁵Siiga icniya jeeyaj iga diosyaj jém ipictsoḡneyajwiip jém Dios inḡaḡi, y da i wiap ictogoy jém Dios inḡaḡi jém jaychacnetawiiip, ³⁶¿jesic tiiga miñimtámpa iga ich ançujyipa Dios cuando animpa iga: “¿Ich jém Dios aManic”? Porque Dios acupiḡ y acusat yíp naxyucmi iga anwadiñ juuts je iwianjam. ³⁷Siiga ich da anwatpa jém wibic milagro juuts iwatpa jém anJatuḡ Dios, jesic odoy acupictaami. ³⁸Pero siiga ich anwatpa jém wítampic milagro juuts iwatpa Dios y mimichtám da inçupictámpa ti mannímáypa, jesic cupici iga da je migooyi jém milagroyaj iga wiain inçutiyyiḡa iga jém anJatuḡ Dios it con aich y ich aiit con anJatuḡ Dios.

³⁹Jesic jeeyaj eybictím imatsyajtooba jém Jesús, pero ciiiput, da wiā mimatsyaj.

⁴⁰Eybictím nic Jesús jém ni anwiñtuc iniyi Jordán. Jemum tsíy

Jesús juḡ moj acchíḡooyi jém Xiwan.

⁴¹Jesic tsam jáyan pixiñtam nic iámyaj jém Jesús. Nimyajpa jeeyaj: —Jém Xiwan, jém acchíḡoypáppic, da iwat ni tum milagro. Pero jém Xiwan da tamigóyáy cuando tanmadáy ti iwatpa yíp pixiñ.

⁴²Jemum tsam jáyan jém pixiñtam icupicyaj jém Jesús.

Ca jém Lázaro

11 Jesic mimne tum pixiñ iniyi Lázaro jém atebet Betania. Yíp jém atebet juḡ it jém Malía con itíwi jém Marta. ²Yiptim Malía jém iccámayñewiiip jém pomada jém cínpaap jém tánOmi Jesús ipuyyucmi y icujicháyáy ipuy con iway. Jém mimnewiiip, jém Lázaro, itíwiḡim jém Malía. ³Jesic jém Malía y Marta icutsadáy anḡaḡi jém Jesús. Inímáy:

—MánOmi, mimneactiḡ jém pixiñ, jém inḡoypáppic.

⁴Mu imatoḡ jém Jesús iga mimne jém iamigo, nimpa:

—Yíp caacuy da iccaaba. Imats yíp caacuy iga ixḡaiñ jém Dios ipimi y iga ixḡaiñtim jém Dios iManic ipimi.

⁵Jesús tsam itoypa jém Marta, jém Malía y jém Lázaro. ⁶Mu imatoḡ Jesús iga mimne jém Lázaro, jesic da jobit nic iám, jemum tsíy tunḡac wisnajama. ⁷Jesic cuando nasneum wisnajama, Jesús inímáy jém icuyujciiwiñ:

—Tanictámpa eybic jém naxyucmi de Judea.

⁸Jém Jesús icuyujciiwiñ inímayyaj: —MamMaestro, jém Judeapic pixiñtam da más pecam miñáscatooba idic tsaami. ¿Que miñicgacpa eybic?

⁹ Jesús iníímáy jém icuyujciíwiñ:
—Tum jama inií doce hora.

Siiga tum pìxiñ wípa siññi,
jesic dá inéppa ipuy iga tsutpa
porque iguixixóypa jém jama jém
icuyicquejpaap yíp naxyucmi.

¹⁰ Pero siiga tum pìxiñ wípa
tsuucim, jesic tsutpa porque dá i
jém jama iga iyicquejpa.

¹¹ Jesic ocmi eybicím nímpa
Jesús:

—Moŋpa siip jém tánamigo
Lázaro, pero nicpa antsicyus.

¹² Jesic Jesús icuyujciíwiñ
iníimayyaj:

—MánOmi, siiga moŋpa jém
Lázaro, jesic tanjodoŋ iga pìspa.

¹³ Nímtooba Jesús iga caaneum
jém Lázaro, pero jém icuyujciíwiñ
injpampa iga nunta moŋpa.

¹⁴ Jesic Jesús iníuumanmadáy jém
icuyujciíwiñ. Níimayyajta:

—Caaneum jém Lázaro. ¹⁵ Ich
amaymay iga dá aì cuando ca jém
Lázaro porque siip más wì para
mimichám. Más inçupictámpa
Dios. Jesic nicpa tánám jém Lázaro.

¹⁶ Jesic jém Tomax, iníiyítim
Mechi, iníímáy los de más jém Jesús
icuyujciíwiñ:

—Tanictámpatim iga
tanwaganacaaba jém tánOmi.

Jesús wiap icpìs jém caaneyajwiip

¹⁷ Jesic cuando núc Jesús jém
Betania, ijodóŋa iga cuatro jama
cumnetawum jém Lázaro imíjtay
tum tsaajosjom. ¹⁸ Jém Betania
noco íf jém attebet Jerusalén,
ijuumi como dos kilómetro y medio.

¹⁹ Jesic tsam jáyaŋ jém judíos nic
iámyaj jém Marta y Malía iga
icpócsayyajpa ianama iga odoy

anyáguin porque caane jém itíwi.

²⁰ Cuando imatoŋ jém Marta iga
miñpa jém Jesús, jesic nic iméts
tunjom. Tsíy jém Malía ificciim.

²¹ Mu inúc juí íf Jesús, nímpa jém
Marta:

—MánOmi, meega miíf yim
cuando mimneactiŋ jém antiwi,
jesic dá idic ca. ²² Pero ich anjodoŋ
iga Dios michiiba siip títam
inwágáypa.

²³ Jesic Jesús iníímáy jém Marta:
—Pìspa jém inííwi.

²⁴ Jesic Marta iníímáy jém Jesús:
—Anjodoŋ iga pìspa jém antiwi
cuando pìsayjpa jém caaneyajwiip
jém inŋanpigam jama.

²⁵ Jesús iníímáy jém Marta:
—Ich wiap anacpìs jém
caaneyajwiip. Wiap anchi i quej
jém vida jém dápic cuyajpa. Siiga
tum pìxiñ acupicpa aich, aunque
caaneum, pìspa. ²⁶ Siiga vivonam
tum pìxiñ jém inŋanpigam jama y
acupicpa aich, jesic dá nunca caaba.
¿Que dá inçupicpa yíp anmáti?

²⁷ Jesic jém Marta iníímáy jém
Jesús:

—Núma, mánOmi, ich ançupicpa
iga micham miCristo jém Dios
miManic. Mich jém mimiññewiip
naxyucmi, jém ananjócnetanwiip.

²⁸ Cuando yaj inmat jempic jém
Marta, nic inwejáy itíwi jém Malía.
Iyamníímáy:

—Núcneum jém tamMaestro, siip
miñwejáypa.

²⁹ Jesic mu imatoŋ jém Malía,
jicsciy tsucum, nic iám jém Jesús.
³⁰ Danam núcne Jesús jém tiganjoj.
Tsíyñe jemtím juí oy ictsiy jém
Marta. ³¹ Jesic jém judíos, jém
itíyajwiip jém Marta ificciim iga

icpócsayyajpa ianama, iixyaj iga agui jicsciy nic jém Malía. Jesic jeeyaj ifúnjyyajpa. Injamyaj iga nic weji jém Malía jém tsaajosciim.

³²Jesic jém Malía, mu inúc juť íť jém Jesús, icosteenáy ipuyciim. Nimpa jém Malía:

—MánQmi, meega miif cuando mimneactij jém antíwi, da idíc ca.

³³Cuando iix Jesús iga tsam wejpa jém Malía y weyjajpaťim mex jém judíos, pimi anyác jém Jesús, tsam ijampa jém anyaaqui ianamanjom. ³⁴Jesic Jesús icwác, inímáy:

—¿Juť inchac jém imijtay?

Nimyaj jeeyaj:

—MánQmi, miñi aami juť íť.

³⁵Wej jém Jesús. ³⁶Jesic nimyaj jém judíos:

—Ixi. Tsam pimi ifoypa jém iamigo.

³⁷Pero jém tunjac nimyaj:

—Yíp pixiñ ictojáy jém cáchtí iixcuy, čtiiga da icpíspa jém Lázaro iga odoy caiñ?

Acpista jém Lázaro

³⁸Jesic eybicťim pimi anyácne jém Jesús, tsam pimi ijampa jém anyaaqui ianamanjom. Núc jém tsaajosciim juť cumnetá jém Lázaro. Añnúcnetá jém tsaajos con tum mijpic tsa. ³⁹Jesic Jesús inímáy jém pixiñtam:

—Accáyaayi yíp tsa.

Jém Marta, jém caanewiip itíwi, inímáy jém Jesús:

—Pero mánQmi, šiip iniitum cuatro jama caane, tsam anjejpam.

⁴⁰Jesús inímáy jém Marta:

—¿Que da mannímáy siiga icupicpa iga ich wiap manyoxpát,

jesic iníxáypa jém tanJatun Dios ipimi?

⁴¹Jesic jém ifyajwiip iccáyayyaj jém tsa. Amquím Jesús sinjucmi, moj inwejpát Dios. Nimpa:

—ManJatun Dios, iyucuidios iga mich ammatónayñe tí mannímáy.

⁴²Anjodoñ iga siempre mich ammatonpa, pero mannímáypa yimpic iga jém pixiñtam waiñ icutiijyyaj iga mich ancutsatne yíp naxyucmi.

⁴³Jesic cuando yaj inwejpát Dios, pimi jiyapa jém Jesús. Nimpa:

—MiLázaro, puti.

⁴⁴Jesic putum jém Lázaro, jém caanewíppic idíc. Añmónayñeta ici y ipuy con puctucu.

Añmónayñetaťim icobac con tum puctucu. Jesic Jesús inímáy jém pixiñtam:

—iCuwijáyaayi jém inmónóycuy, cutsigaayi!

Jém anjagooyiyaj ijisyajpa jutsap imatsyaj jém Jesús

(Mt. 26:1-5; Mr. 14:1-2; Lc. 22:1-2)

⁴⁵Cuando iixyaj tí iwat jém Jesús, jesic moj icupicayaj jáyan jém judíos jém miññeyajwiip iám jém Malía.

⁴⁶Pero algunos nic iámyaj jém fariseoyaj iga inmadáypa tí iwat jém Jesús. ⁴⁷Jesic jém cobacpic panijyaj, con jém fariseoyaj, inuunawatyaj jém Sanhedrín, jém wiđayťam. Nimyaj:

—¿Tí wiap tanwatta con yíp pixiñ? Tsam jáyan milagro iwat.

⁴⁸Siiga seguido tanjácpa iga iwatpa jém milagroyaj, jesic núcpa jém jama iga itumpiy jém pixiñtam icupicayajpa yíp Jesús. Jesic jém Romapic anjagooyi icutsadáypa

jém soldado iga imiswadayyajpa jém miǰpic mastic y imiichap jém tannas.

⁴⁹Jesic tum de jeeyaj, jém Caifás, cobacpic panij jém amíy, moj aǰmaǰi con jém aǰjagooyiyaj jém aǰtuumaneyajwiip. Niǰpa jém Caifás:

—Mimichám da tí iǰjodonǰtam.

⁵⁰ǰatim iǰcutiiyiyá iga más wí iga accaatap tum pxiǰñ para itumpiy jém pxiǰñtam iga odoy togóyíñ jém tannaxyucmi.

⁵¹Jém Caifás da iǰixquím iyaac, pero Dios ichi jém jǰxi porque je jém cobacpic panij. Jeeyucmi jém Caifás wiap iǰmadáy jém pxiǰñtam iga accaatap jém Jesús iga iyoxpátpa itumpiy jém ityajwiip jém naxyucmi Israel. ⁵²ǰa solamente iga iyoxpátpa jém ityajwiip Israel, pero accaatap jém Jesús iga iǰtuumaŵatyajpa itumpiy jém icupicneyajwiip Dios juǰtquej icutero yǰ mundo. ⁵³Jesic jeetim jama jém aǰjagooyiyaj moj iǰisyaj juǰpic iccaayajpa jém Jesús.

⁵⁴Jeeyucmi jém Jesús da siiba juǰ iixpa jém judíos. Put jém naxyucmi de Judea. Nic iǰti tunǰac lugar nocoǰom jém títsinaxyucmi. Jém atebet iǰiyi Efraín. Jemum nic iǰiyaj Jesús con icuyujciwiñ.

⁵⁵Núctooba jém pascuasíj jém iwatyajpáppic jém judíos. Icuwíti jém naxyucmi de Israel tsucumyaj jáyaǰ jém pxiǰñtam iga nicyajpa jém atebet Jerusalén iga iwatyajpa jém costumbre iga cuáyñeiñ iǰanama antes que núcpa jém pascuasíj. ⁵⁶Jesic cuando núcyaj Jerusalén jém pxiǰñtam, imétsyajpa jém Jesús. Tǰgyiyaj jém masticǰom, moj nanímayyajtǰi entre jeeyaj:

—¿Que tanaǰjam iga miǰpa siǰaji jém Jesús o da miǰpa?

⁵⁷Jesic jém cobacpic panijyaj con jém fariseoyaj tsam imatsyajtooba jém Jesús. Ipiimiyyaj jém pxiǰñtam, nímayyajta:

—Siiga i iǰjodonǰ juǰ it jém Jesús, jesic acǰodǰǰaji jém tanaǰjagooyi iga matstǰiñ.

Tum yomo iccámáy jém wibic perfume jém Jesús ipuyucmi

(Mt. 26:6-13; Mr. 14:3-9)

12 Jesic seis día antes que naspa jém pascuasíj, nic joyi Jesús jém atebet Betania juǰ it jém Lázaro, jém icpisnewiip jém Jesús de juǰ it jém caaneyajwiip. ²Jém iamigoyaj inisiǰǰap jém Jesús. Jém Marta icwícpa jém miǰñeyajwiip. Itim jém Lázaro. Iwaganawícayajpa jém Jesús mesaciim. ³Jém Malía inimiñ tum libra jém wibic perfume, naps nardo, jém cǰnpáppic, jém aguipic tsoowíy. Iccámáy jém perfume jém Jesús ipuyucmi. Ocmi jém Malía icujicháyáypa jém Jesús ipuy con iway. Agui cǰnpa jém perfume, comne jém tic de cǰñi. ⁴Itim tum de jém Jesús icuyujciwiñ, jém Judas Iscariote, jém Ximój Iscariote imǰanic, jém iwadaypáppic atraición jém Jesús. Niǰm jém Judas:

⁵—¿Tǰiga da tammáypa yǰ wibic perfume? Ivale tres cientos tumiñ de plata. Jesic wiap tanyoxpát jém yaachayajpáppic.

⁶Jém Judas da iyaachanjampa jém yaachayajpáppic, pero niǰpa jempic porque númpa jém pxiǰñ. Iwatpa cuenta jém tumiñ ibolsa y siempre iǰnúmpa jém tumiñ. ⁷Niǰmpa Jesús:

—Odoy moogiiyi yíp yomo. Iccáyñe ídic jém perfume iga accámáypa cuando acumtap. ⁸Siempre ítyaj con mimichfam jém yaachayajpáppic, pero ich dá seguido aítpa con mimichfam.

**Jém anjagooyiyaj ijisyajpa
jutsap iccaayaj jém Lázaro**

⁹Jesic jáyan jém Jerusalénpic pixiñtam ijodónayaj iga jemum ít jém Jesús. Jesic nic íamyaj. Da no más nic íamyaj jém Jesús, pero iixyajtoobañtam jém Lázaro jém acpisnetawiiip. ¹⁰Jesic jém panij anjagooyiyaj iwatyajpa acuerdo iga iccaayajpañtam jém Lázaro. ¹¹Porque cuando jém judíos iixyaj iga numa acpisneta jém Lázaro, jesic jáyan ichacyajpa jém Israelpic anquímayooyi, mojpa icupicyaj jém Jesús.

**Tigiy Jesús Jerusalén juuts tum
anjagooyi**

(Mt. 21:1-11; Mr. 11:1-11; Lc. 19:28-40)

¹²Jém tunḡac jama jáyan pixiñtam nicne sñajiyaj jém atebet Jerusalén. Iwatyajpa jém pascuasñj. Cuando ijodónayaj iga núcpa Jerusalén jém Jesús, ¹³jesic itúcyaj jáyan jém suyat iay. Nic imétsyaj jém Jesús tunḡom. Mu ipátyaj, tsam icujípyajpa. Pimi jyyajpa jém pixiñtam. Nímyajpa: —iHosanna! iAgui wí jém tanJatun Dios! iTanqujéptampa jém Rey de Israel jém miññewiiip jém tanJatun Dios iníyimi!

¹⁴Jesic jém Jesús ipát tum mañburro. Iquímcá. Iwat juuts jayñeta:

¹⁵Odoy cñtaami miífñawiiip jém atebet Sión.

Ixfaami iga siip miñpa jém inRey.

Iquímcane tum mañburro.

¹⁶Wiñti jém Jesús icuyujciwiñ dá icutiyyiyajpa, pero ocmi cuando pisneum y químgac siñyucmi jém Jesús, ijisyajpa iga jempigam nímpa jém Dios inmañti y jempigam inñascaaba jém Jesús cuando núcpa Jerusalén.

¹⁷Jodónatap juñquej tí iwat jém Jesús mu inwejáy jém Lázaro jém tsaajosjom juñ cumne. Jém ítyajwiiip con Jesús cuando pis jém Lázaro, inmadayyaj i quej tí iixyaj. ¹⁸Jeeyucmi miñ íamyaj Jesús tsam jáyan jém pixiñtam porque imatonayaj iga iwat jém milagro. ¹⁹Jesic jém fariseoyaj nanímayyajta:

—Siip quejpa iga dá tí wíap tanwatta. Ixi, itumpiy jém pixiñtam icuwíti yíp naxyucmi itúnjyyajpa.

**Algunos jém griegopic pixiñtam
tsam iixtooba jém Jesús**

²⁰Miñyajñtam sñajiyaj algunos jém pixiñtam jém anmatyajpaap jém anmañti griego. Miñyaj Jerusalén iga ijisyajpa Dios. ²¹Jeeyaj nic íamyaj jém Felipe, jém miññewiiip jém atebet Betsaida jém naxyucmi de Galilea. Jém griegopic pixiñtam icunucsayyaj jém Felipe. Nímayta: —Awadaayi tum favor. Niñi nímaayi jém Jesús iga tsam anjiypáttooba.

²²Jesic jém Felipe nic inmaday jém Anti tí ixunpa jém griegopic pixiñtam. Jesic iwagananicyaj jém Anti y jém Felipe iga inmadayyaj Jesús tí ixunpa jém pixiñtam. ²³Jesic jém Jesús inímay jém icuyujciwiñ:

—Núcneum jém tiempo iga ich, jém aMiñnewiip Siñyucmi, ampictsonpa eybic jém ampimi jém anaítwiip idic siñyucmi. ²⁴Numa mannímáypa siiga tum pac da ñiptap nasciim juít caaba imayi, jesic tsíypa icutum. Pero siiga caaba imayi, jesic jáyanap. ²⁵Siiga tum pixiñ tsam ifoypa ivida yíp naxyucmi, jesic togoypa ivida. Pero siiga tum pixiñ da ifoypa ivida yíp naxyucmi, jesic da togoypa ivida, iniítpa para itumpiy tiempo. ²⁶Siiga tum pixiñ acuyoxatooba, jesic ansunpa iga atúnjyíñ, jesic jemtim juít aítpa aich itpatim jém acuyoxapáppic. Siiga tum pixiñ acuyoxap aich, jesic jém anJatuj Dios iwixpa jém pixiñ.

Nimpa Jesús iga accaatap

²⁷Siip tsam anyácne. ¿Que ti wiap annímáy jém anJatuj? Ich da annímáypa jém anJatuj Dios iga: “ManJatuj, ayoxpaati iga odooy ayaachwattaiñ”. Da aawatpa jempic porque ich amiñ yíp naxyucmi iga ayaachwattaiñ. Jesic annímáypa iga: ²⁸“ManJatuj Dios, watí juuts mich inxunpa iga jém pixiñtam micujípyajiñ”.

Jesic jiyapa Dios siñyucmi. Nimpa: —Siip aawatneum y aawatpatim eybic iga acujípyajiñ jém pixiñtam.

²⁹Jesic jém pixiñtam, jém aqtuumaneyajwiip, imatonjaj jém jiyi. Nimyajpa iga tiñpa jém majiywiñ. Pero tungac nimpa: —Ijyáy tum siñyucmicip pixiñ.

³⁰Jesic Jesús inímáy jém pixiñtam:

—Tammatojneta yíp jiyi mimichfam injcuyucmi, da para ich,

iga injcutiyyíyámiñ ti watpa Dios.

³¹Siip núcpa jém hora iga ciipñtap jém ifyajwiip yíp naxyucmi. Siip accáyaytap ipimi jém Wocciwiñ, jém injjacnewiip yíp naxyucmi.

³²Pero ich cuando acquímtap cunusyucmi, jesic anchiiba jixi jém pixiñtam iga acupiguiñ.

³³Cuando injmatpa jempic jém Jesús, injquejáypa jém pixiñtam iga accaatap cunusyucmi. ³⁴Jesic jém pixiñtam inímayyaj jém Jesús:

—Tammatojne iga nimpa jém Dios injmatí iga itpa jém Cristo para itumpiy tiempo. ¿Jesic tiiga miñimpa iga accaatap cunusyucmi jém Miñnewiip Siñyucmi? Anímaayi: ¿Iapaap jém Miñnewiip Siñyucmi?

³⁵Jesic Jesús inímáypa jeejay:

—Jém juctiantsoca poy íf tum rato con mimichfam. Wíttaami iganam íf jém juctiantsoca iga odooy mictsíyíñ jém piichi. Porque jém wítpáppic jém piichciim da ijodoj juít nicpa.

³⁶Iganam itpa jém juctiantsoca, jesic acupictaami aich iga iniitfamiñtim jém juctiantsoca jém inñanamanjom.

Jesic cuando yaj nými jém Jesús, nic iyámáy jém pixiñtam.

Watí jém judíos da idic icupicyajpa

³⁷Tsam jáyan milagro y señaawat Jesús jém pixiñtamanjom, pero jeejay da icupicyajpa iga je jém Cristo. ³⁸Iwatyajpa jempic iga cupaguiñ jém anmatí jém ijaychacnewiip jém wiñnicpic profeta jém Isaías. Nimpa:

ManJatuj Dios, mich injquejáy jém pixiñtam jém impimi, pero da i icupicpa mich injmatí jém anamiñnewiip.

³⁹ Jeeyucmi jém Israelpic pixiñtam da icupicyajpa jém Cristo, porque nimtim jém Isaías:

⁴⁰ Dios icáchtiwatpa jém pixiñtam, icamamwadáy icobac iga mástím da wíap icutiíyiyaj jém Dios inmafi.

Jempam iwat Dios iga jém pixiñtam da ti iixyajpa iixcuymi ni da wíap icutiíyiyaj ianamanjom iga Dios iwíwadáytooba idic.

Dañim wíap ichacyaj jém malopic ijixi iga Dios iccáyáyiñ itañca.

⁴¹ Wíap inmat jempic jém Isaías porque wiñgam iix jém Cristo ipimi. Ijaychacne ti inñascaaba jém Cristo cuando miñpa yíp naxyucmi.

⁴² Pero da itumpiy jém Israelpic pixiñtam cuixayaj. Jáyan icupicyaj, hasta algunos jém anjagooyiyaj icupicyajtim jém Jesús. Pero iga tsam icinyajpa jém fariseoyaj jesic inyampa iga icupicne. Icinayajpa iga quebacputyajtap jém sinagoga.

⁴³ Más iwianjamyaj iga cujípyajtañ yíp naxyucmi que iga Dios icujíppa.

Jém Jesús inmafi iciiñpa jém pixiñtam

⁴⁴ Jesic ocmi pimi jiypa jém Jesús. Nimpa:

—Siiga i acupicpa aich, jesic icupicpatim mex jém anJatun Dios jém acutsatnewiip yíp naxyucmi. ⁴⁵ Jém aixpáppic aich, iixpatim mex jém anJatun Dios jém acutsatnewiip. ⁴⁶ Ich, jém ajuctiantsoqa, amiñ yíp naxyucmi iga itumpiy jém acupicyajpáppic aich, da tsíyyajpa piichcim. ⁴⁷ Siiga i imatonpa ich anañmafi, pero

da icupicpa, jesic ich anyaac da anchiiba jém icastigo. Ich da amiñ iga aciipñóypa. Amiñ iga añciacputpa jém ityajwiip yíp naxyucmi. ⁴⁸ Siiga tum pixiñ ajóyixpa y da iwatpa juuts nimpa ich anañmafi, jesic jém inañpigam jama ich anañmafi tsíypa juuts tum juez. Jeetim anañmafi iciiñpa y ichiiba castigo jém dapic ipictsonpa ich anañmafi. ⁴⁹ Ich anyaac da anjixquimpa jém anañmafi, pero jém anJatun Dios jém acutsatnewiip anímáy jutsap anañmat jém añmafi y ti anañquejáypa jém pixiñtam. ⁵⁰ Ich anjodon iga jém anJatun Dios inquímayooyi ichiiba jém pixiñtam jém vida jém dapic cuyajpa. Jeeyucmi anañmatpa jém anañmafi juuts anímáyne jém anJatun Dios.

Jesús icheáypa jém icuyujciwiñ ipuy

13 Jesic núctooba jém jama iga jém Israelpic pixiñtam iwatyajpa jém pascuasñ. Ijodon Jesús iga núcneum jém hora iga nicgacpa sinyucmi juñ it iJatun Dios. Jém Jesús tsam pimi itoypa jém itúnjyyajwiip, jém imiichipic, da nunca ichacpa iga itoypa.

² Jesic iganam wícmonyajpa Jesús con jém icuyujciwiñ, jém Wocciwiñ iccám jém malopic jixi jém Judas Iscariote ianamanjom iga iwadáypa atraición jém Jesús. Yíp Judas jém Ximój imañic.

³ Ijodóna Jesús iga jém iJatun Dios iciiñcodáy itumpiy cosa iciiñjom. Ijodonñim iga miñ de Dios y eybic nicpa juñ it Dios.

⁴ Cuando yajtoobam wiiquiyaj, teñchucum jém Jesús, ichac

iyooí, ipic tum toalla, iwoycunúc jem imijpacyucmi. ⁵Ifec ni tum palanganajom, moj icheáy ipuy jem icuyujciwiñ. Ocmi icujicháyápa ipuy con jem toalla jem iwoycunúcnewiip jem imijpacyucmi.

⁶Cuando núc Jesús juí íf jem Peto, jesic Peto inímáy:

—MánQmi, ¿que mich antseáypatim ampuy?

⁷Nimpa Jesús:

—Siip dá inçutiíyápa tiiga mantseaytámpa jem impuy, pero ocmi inçutiíyítámpa.

⁸Jesic jem Peto inímáypa jem Jesús:

—Mich dá nunca manjígápa iga antseápa ampuy.

Jesic nimpa Jesús:

—Siiga dá mantseápa impuy, jesic dá je mammíichi.

⁹Jesic Peto inímáy jem Jesús:

—MánQmi, atseaayi ampuy. Atseaayítim jem aŋci y aŋcobac.

¹⁰Jesic inímáy Jesús:

—Siiga yaguiñ chiŋne tum pxiñ, jesic dá ixunpa iga chiŋpa eybic. No más ixunpa iga icheeba ipuy porque cuáyñeum icutero. Mimichám micuáyñeum, pero tum de mimichám, jem mançuyujciwiñ, dá micuáyñe.

¹¹Porque jem Jesús ijodon japaap iwadápa atracción. Jeeyucmi nimpa Jesús iga: “Da inçumpiytam micuáyñeta.”

¹²Cuando jaj icheáy jem icuyujciwiñ ipuy, jesic jem Jesús icot iyooí, eybicím coñ jem mesaciim. Inímáy jem icuyujciwiñ:

—¿Inçutiíyí tí siip manwadayta?

¹³Mimichám annímáytámpa

iga: mamMaestro y mánQmi. Wi iga miñimtámpa jempic porque mimichám numa manaccuyujpa y numa mimichám mammíichane.

¹⁴Aunque michám amMaestro y ánQmi, mantseápa impuy, jesic wiítim iga minitseytamtaiñ impuy mimichám. ¹⁵Mantseáy jem impuy iga manañquejápa iga wi iga inçwattámiñ juuts ich manwadayta. ¹⁶Numa mannímáypa, tum pxiñ iesclavo dá wiap inñasca jem iomi. Tum mensajero dá más mij que jem icutsatpáppic. ¹⁷Siiga inçutiíyítámpa tí mannímáypa y siiga inçwattámpa jempic, jesic agui mimaymáyatámpa.

¹⁸Eybic jýpa Jesús. Nimpa:

—Da animtooba iga inçumpiytam wiap inçutiíyíta porque aŋwixpicpa jem aŋcupiŋneyajwiip. Anjodon japaap amalwadápa. Nimpa jem Dios inçmatí, jem jayñetawiiip, iga: “Tum pxiñ aŋwaganawícpa aich, ocmi awadápa atracción.” Siip cupactoba jem aŋmatí.

¹⁹Mannímáypa siip tí annascaaba aich, jesic cuando inixtámpa iga cupacum jem anaŋmatí, wiap inçupicta iga ich jem aCristo jem acupiŋnewiip Dios. ²⁰Numa, mannímáypa siiga i ipictsonpa jem aŋcutsatnewiip, jesic apictsonpatim aich. Siiga i apictsonpa aich, ipictsonpatim jem anJatuj Dios.

Nimpa Jesús iga jem Judas iwadápa atracción

(Mt. 26:20-25; Mr. 14:17-21; Lc. 22:21-23)

²¹Jesic cuando jaj inçmat jempic jem Jesús, tsam pimi anyácne inçamanjóm. Nimpa Jesús:

—Numa siip mannímáypa, tum de mimichfam aciijuŋcotpa jem ánenemigo iciijom.

²²Jesic jem Jesús icuyujciwiñ tsam naámyajtap. Nímyajpa íanamañjom iga: “¿Iapaap iwadáypa atraición jem tánOmi?” ²³Tum jem Jesús icuyujciwiñ, jem tsampic ífoypa, iwaganacoñ jem Jesús. ²⁴Jesic jem Peto iwadáy seña con icobac iga jem pìxiñ icwáguiñ Jesús íapaap jem iwadaypaap atraición. ²⁵Jesic jem pìxiñ icunúc noco iga iyámacwácpa. Nímaytap jem Jesús:

—MánOmi, ¿i miwadáypa atraición?

²⁶Jesic Jesús icutsoñ. Nímpa:

—Siip ansonpa tum jaca caxtánañi jem anchimajom, anchiiba jem pìxiñ jem awadaypáppic atraición iga quejiñ íapaap.

Jesic cuando ixon jem caxtánañi, ichi jem Judas Iscariote, jem Ximoj imanic. ²⁷Jesic yaj ipictsoñ jem Judas jem caxtánañi, tigi y jem Wocciwiñ jem Judas íanamañjom. Jesic Jesús ínímáy jem Judas:

—Jém siippic íjwatpa, nígi wati jicsciy.

²⁸Jém tungac icuyujciwiñ, jem ítyajwiip mesaciim, da icutiíyiyaj tiiga ínímáy jem Judas. ²⁹Íjisyajpa algunos iga cutsattap jem Judas iga níguiñ íjuy ííam íxunaypa iga síjaypa. Tungac íjisyajpa iga cutsattap jem Judas iga ichiñ tumiñ jem yaachayajpáppic. Porque íwatpa cuenta jem tumiñ íbolsa. ³⁰Jesic yajum icút jem caxtánañi, nic jem Judas. Piichciim.

Jém jomipic anquímayooyi

³¹Jesic cuando nicneum jem Judas, moj anmañi jem Jesús. Ínímáy jem icuyujciwiñ:

—Siip cujírtap jem Miñnewiip Sínyucmi. Cujírtapím tanJatuñ Dios je icuyucmi. ³²Siiga cujírtap Dios ich ancyucmi, jesic acujírtapím aich jem anJatuñ Dios icuyucmi. Siip íwatpa Dios jem wítampic cosa iga acujírtaiñ y da jáyñe iccupacpa. ³³Mammanictam, mantoytampáppic, siip tum ratoítim tawagaiíta. Pero ocmi mimichfam tsam ancyúamtámpa, da ampáttámpa. Siip mannímáypa juuts annímáyñe jem judíos, mimichfam da wíap íññicta juí ich anicpa. ³⁴Siip manchiiba tum jomipic anquímayooyi, natoytamtaji con jem íñíwítam. Juuts mantoytámpa mimichfam, jesic jempictim natoytamtaji con jem íñíwítam. ³⁵Siiga minitoytamtap con jem íñíwítam, jesic ítumpiy jem ítyajwiip yíj naxyucmi íjodónayajpa iga ich mañcuyujciwiñ.

Nímpa Jesús iga jem Peto ígnécpa

(Mt. 26:31-35; Mr. 14:27-31; Lc. 22:31-34)

³⁶Jesic jem Peto icwác jem Jesús, ínímáy:

—MánOmi, ¿juí miñicpa?

Nímpa Jesús:

—Jemum juí ich anicpa, mimichfam da wíap íññicta siip, pero ocmi miñictámpatim mex mimichfam.

³⁷Jesic jem Peto ínímáy:

—MánOmi, ¿íiiga da wíap annicta siip? Ich anyaac anchiiba amvida iga accaatap para mimich.

³⁸Jesic nímpa Jesús:

—¿Que mich michióypa invida iga miccaatap para aich? Numa mannímáypa iga antes que anwejpá

jém cayu, anañnécpa tres veces iga ich mañcuyucjiwiñ.

**Jesús je jém tuñ jém nicpápic
juí íf tanJatuñ Dios**

14 ¹Mimichám, odooy añaýátaami íñanamanjom iga ich anícpa. Cupictaami Dios, acupictaamítim mex aich. ²Jém anJatuñ Dios itíccim tsam íf jém wítampic lugar juí nicpa miítítam. Meega dá idíc í, dá idíc mannímáy. Nicpa mañwítsagáy tum lugar para mimichám. ³Siiga nicpa mañwítsagáy tum lugar para mimichám, jesic amiñgacpa eybic iga mananictámpa, iga juí aítpa aich jemítim miíttámpa mimichám. ⁴Mimichám íñjodoñtam juí anícpa, íñjodoñtim jém tuñ.

⁵Jém Tomax íñímáy:

—MánQmi, dá anjodoñtam juí miñicpa. ¿Jutsap anjodoñgata jém tuñ?

⁶Jesic Jesús íñímáy jém Tomax:

—Icham jém atuñ. Ich anamiñ jém numapic añquímayooyi. Ich anchiiba jém pixiñtam jém vida jém dápic cuyajpa. Dá í núcpa juí íf anJatuñ Dios siiga dá acupicpa aich. ⁷Siiga mimichám ánixpictámpa aich, jesic íñixpictámpatim jém anJatuñ Dios. Siip mojum íñixpicta Dios, íñixñetámum.

⁸Jesic jém Felipe íñímáy Jesús:

—MánQmi, aguixtaami jém tanJatuñ Dios, jesic ítum wí. Dá tí más ansuntámpa.

⁹Jesic Jesús íñímáy jém Felipe:

—A que miFelipe, tsam wiñigam awagaíffa con mimichám. ¿Que mich dá ánixpicpa? Jém aixñewiip aich, iixñefim jém anJatuñ

Dios. ¿Tíiga mich annímáy iga: “Aguixtaami jém tanJatuñ Dios”? ¹⁰¿Que dá inçupicpa iga aṇwaganaiíf anJatuñ Dios y jém anJatuñ Dios awaganaiíf aich? Jém anañmaí, jém manañmadayñewiip, dá je anjixquiimi. Jém anJatuñ Dios, jém itwiip ánanamanjom, iwatpa jém wítampic cosa juuts je iwianjam. ¹¹Cupictaami iga aṇwaganaiíf anJatuñ Dios y jém anJatuñ Dios íf ánanamanjom. Siiga dá wiap inçupicta iga ich aṇwaganaiíf jém anJatuñ Dios, jesic acupictaami aich porque íñixñeta jém milagroyaj jém aṇwatnewiip. ¹²Numa mannímáypa; jém pixiñ, jém acupicnewiip, wiaptim iwat jém milagroyaj jextim juuts ich aṇwatpa, wiaptim iwat más wibic milagro que ich porque anicgacpam siñyucmi juí íf anJatuñ. ¹³Siiga iniñwejpáttámpa Dios ich anniyimi iga inwágaytámpa algun tí, jesic ich aṇwatpa juuts mich aṇwágáypa iga cujíptaíñ jém anJatuñ Dios. ¹⁴Títam inwágáypa Dios ich anniyimi, jesic ich aṇwatpa juuts aṇwágáypa mimichám.

**Nimpa Jesús iga icutsatpa jém
Dios iAnama yíp naxyucmi**

¹⁵Siiga mimichám antoytámpa, jesic cupictaami anañquímayooyi. ¹⁶Ich aṇcunucsáypa anJatuñ Dios iga michiifamiñ jém Dios iAnama iga miyoxpáttámiñtim juuts aich iga míñiñ miwaganaiíf con mimichám para siempre. ¹⁷Jém Dios iAnama miñquejaytámpa itumpiy jém numapic añquímayooyi. Jém ityajwiip yíp naxyucmi ijóyixyajpa Dios, dá wiap ipictsoñ jém Dios

iAnama, porque da wiap iixyaj ni da wiap iixpicyaj. Pero cuando núcneum jém Dios iAnama, jesic mimichám íñixpictámpa porque miwaganaiífta. Miñpa ífi jém Dios iAnama mimichám íñanamanjom. ¹⁸Da mantsactámpa inçutum juuts tum yuctucu. Eybic miñpa aifi con mimichám. ¹⁹Da jáyñe anicpa, jesic yíp naxyucmipic pixiñtam da más aixyajpa, pero mimichám eybic ánixtámpa. Ich manchiiba jém vida porque ich anait jém vida. ²⁰Jesic cuando núcpa jém jama, mimichám íñjodónatámpa iga anJatuḡ Dios. Íñjodónatámpatim iga mich miit con aich y ich ait con mimichám. ²¹Siiga tum pixiñ ijodon ich ananquímayooyi y icupicpa, jesic quejpa iga tsam atoypa jém pixiñ. Siiga atoypa aich tum pixiñ, jesic jém anJatuḡ Dios tsam ífoypatim jém atoypáppic aich. Ich antoypatim jém atoypáppic. Ich anyaac anwiñquejáypa jém pixiñ iga icutiíyíyíñ aipaap.

²²Jesic jém tungac Judas, jém dápic Iscariote, íñímáy jém Jesús:

—MánQmi, étiiga anwiñquejaytámpa aichám, pero da inwiñquejáypa jém ítyajwiip yíp mundo, jém dápicnam micupicneyaj?

²³Jesic Jesús íñímáy jém icuyujíwiñ:

—Siiga tum pixiñ atoypa, jesic numa icupicpa jém ananmafi. Jém anJatuḡ Dios tsam ífoypatim jém pixiñ. Jesic ich con jém anJatuḡ Dios miñpa anwaganaiífta jém icupicpáppic ich ananmafi. ²⁴Jém pixiñ, jém dápic atoypa aich, da

iwatpa juuts nimpa ich ananmafi. Yíp anmafi, jém siippic immatoḡne, da anjixquiimi; achiñe jém anJatuḡ Dios, jém acutsatnewiip yíp naxyucmi.

²⁵Mananmadáy ífumpiy yípyaj cosa iganam ait con mimichám. ²⁶Jesic ocmi anJatuḡ Dios micutsadáypa jém Dios iAnama iga miyoxpádiñ juuts tum representante para ich. Miñpa miñquejayta ífumpiy jém ananquímayooyi. Miñpa iga micjstamiñ ífumpiy jém ananmafi jém mananquejayñewiip.

²⁷Siip mantsagáypa jém paz, manchiiba jém wibic jixi iga da ti idíyí íñanamanjom, da jex juuts michiitap yíp naxyucmi. Jesic odoy anyátaami íñanamanjom, odoy cingtaami. ²⁸Immatoḡneta cuando mannímáy iga: “Anicpa, pero eybic miñpa aifi con mimichám.” Siiga numa antoytámpa, jesic maymáyataami iga ich anicgacpa siip jut í anJatuḡ Dios, porque jém anJatuḡ más wiap que aich. ²⁹Mananmadáypa siip íftam miñpa antes que núcpa, jesic cuando íñixtámpa ífumpiy cosa juuts mannímáyñe idic, inçupictámpa iga Dios acutsat.

³⁰Siip tum ratoḡim mananmatpa, porque siip núcum jém tiempo iga miñpa yíp naxyucmipic anjagooyi. Je da íficutigiyi con ich, da ti wiap awadáy. ³¹Pero siip anwatpa juuts apiimíypa jém anJatuḡ Dios iga jém ítyajwiip yíp mundo ijodónayajiñ iga tsam antoypa jém anJatuḡ Dios. Siip tsucumtaami. Tanictámpam.

Jém Jesús juuts tum uvas icobac

15 Ich ajex juuts tum nunta uvas icobac. Jém anJatuḡ

Dios jém iwatpáppic cuenta jém uvas. ²Jagaytáp itumpiy jém uvas injcis jém dápic tmap. Pero jém injcis jém tmapáppic, witsactap, aytícsaytáp uxax injquiñi iga más tmaiñ. ³Siip mimichtam cuáyñeum iñanama porque injcupic jém anañquímayooyi, jém manañmadayñewiip. ⁴Seguido wagaiñtaami con aich y ich seguido mañwaganaitpa mimichtam. Siiga tum cuy injcis da piimane jém cuyyucmi, jesic da tmap. Jém cuy injcis da wiap itama iyaac. Jesaptim mimichtam da wiap injwatta jém wítampic cosa juuts ixunpa Dios siiga da miwagaiñta con aich.

⁵Ich ajex juuts tum uvas icobac. Mimichtam mijex juuts tum uvas injcis. Siiga tum pixiñ seguido awaganaitpa aich y siiga ich añwaganaitpa jém pixiñ, jesic wiap iwat jém wítampic cosa juuts tsam tmap. Siiga da manyoxpáttampa, jesic da ti wiap injwatta. ⁶Siiga tum pixiñ da seguido awaganaitpa aich, jesic jex juuts tum cuy injcis jém dápic tmap. Pátsaytáp, titspa. Ocmi piñtáp, cottap juctjom, nooquettap.

⁷Siiga seguido miwagaiñta con aich y da iñhacpa iga injcupicpa ich anañmañi, jesic wágaytaami Dios tífam iñxunpa y je michiiba. ⁸Jém anJatun Dios tsam cujítap cuando injwíwattampa mimichtam, juuts tsam miwítmap. Jempigam michíyátampa iga ich mañcuyujciwiñ. ⁹Mantoyátampa mimichtam juustim jém anJatun atoypa aich. Seguido wíwattaami porque ich tsam mantoyátampa. ¹⁰Siiga injcupictampa ich

anañquímayooyi, jesic seguido injwíwattampa porque ich tsam mantoyátampa. Jextim juuts aich añcupicpa jém anJatun Dios injquímayooyi y seguido añwatpa juuts je iwianjam porque tsam atoypa jém anJatun Dios.

¹¹Manañmadáypa yípyaj cosa iga iniidiñtim jém maymáyají juustim ich anait, iga tsam pimi mimaymáyatamiñ. ¹²Yim it ich anañquímayooyi: Natoytamtaji con iñtíwítam juuts ich mantoyátampa mimichtam. ¹³Siiga nachiiñtáp iyaac tum pixiñ iga accaatap para jém iamigo, jesic quejpa iga tsam pimi itoypa jém iamigo. ¹⁴Mimichtam manamigotam siiga injwattampa juuts mannímáypa. ¹⁵Siip dam más michíypa juuts manesclavo porque tum esclavo da icutiñyíypa ti iwatpa jém iomi. Pero siip mannímáypa iga manamigotam porque manañquejayñetamum itumpiy jém jixi jém achiiñewiip jém anJatun Dios. ¹⁶Mimichtam da añcupiñneta aich, pero ich mañcupiñneta mimichtam. Manchiñneta jém cargo iga niñuñ injwatta jém wibic cosa juuts ich ansunpa. Jesic numa injwíwatpa y da iñhacpa jém wibic jixi, juuts taniñpa, miwítmap. Jesic tífam injwágáypa anJatun Dios, ich anniyimi, michiiba. ¹⁷Siip manañquímpa iga natoytamtaji con jém iñtíwítam.

**Jém malopic pixiñtam ijóyixajpa
Jesús con jém icupicneyajwiip**

¹⁸Siiga tsam mijóyixpa jém malopic pixiñtam jém ityajwiip yíp naxyucmi, jesic jisi iga wiñti ajóyixtim aich. ¹⁹Siiga mimichtam

mimalotim juuts jém ityajwiip yíp naxyucmi, jesic mifoytámpatim jém malopic pixiñtam. Pero mañcupiñne iga iñchaganpudiñ jém ityajwiip yíp naxyucmi. Jeeyucmi tsam mijóyixpa jém malopic pixiñtam porque dam mijex juuts jeeyaj. ²⁰Jiſtaami tí mannímáy iga tum esclavo dá más mij ipimi que jém iomi. Siiga yíp naxyucmipic pixiñtam amalwadayyaj aich, jesic michgacti mimalwadayyajpatim. Meega icupicyaj ich anañmatí, jesic icupicyajpatim mex mich iniñmatí. ²¹Mimalwadaytamtap ich añcuyucmi porque jém malopic pixiñtam dá iixpicayjpa jém anJatuj Dios jém acutsatnewiip yíp naxyucmi.

²²Meega ich dá miñ anañmadayyaj jém pixiñtam jém wibic añmatí, jesic jeeyaj dá iniñyaj la culpa iga imalwatyajpa. Pero ich anamiñáy jém wibic añmatí, jesic jeeyaj iniñtyaj la culpa siiga dá icupicyajpa, dá wiap ignécyaj itájca. ²³Jém ajóyixpáppic aich, ijóyixpatim jém anJatuj Dios. ²⁴Jeeyaj dá iniñyaj la culpa meega dá miñ añwat jém wibic milagroyaj jém pixiñtamanjom, jém dapic oypa íñix. Pero siip jém pixiñtam iixñeyajum jém milagroyaj y ajóyixyajpa aich y ijóyixyajpatim jém anJatuj Dios. ²⁵Annascaaba jempic iga cupacpa jém añmatí juuts jayñeta wiñigam jém inquímayooyi de jeeyaj. Niñpa: “Jém malopic pixiñtam ajóyixyajpa sin motivo.”

²⁶Cuando anúcpa juí íf anJatuj Dios, mañcutsadáypa jém Dios iAnama iga miyoxpáttamiñ,

iga icamamwadiñ iñanama. Miñpa miñmadáy de aich. Miñquejaytámpa itumpiy jém numapic añmatí. ²⁷Mimichítam wiapím iniñmadáy jém pixiñtam de aich porque miífta con aich dende moj anañmat jém wibic añmatí.

16 ¹Siip manañmadáypa yípyaj cosa iga inçutiñiytámiñ tí miñpa. Jesic siiga mimalwadaytamtap, dá miñyáctámpa ni dá iñchactámpa jém Dios inñmatí. ²Miquebacputtamtap jém sinagoga. Núcpa jém hora cuando jém malopic pixiñtam imétsyajpa jutsap miccaayaj, porque ijísyajpa iga iwatyajpa juuts ixunpa Dios siiga miccaaba. ³Yicxpíc cosa iwatyajpa jém malopic pixiñtam porque da queman iixpicayj jém anJatuj Dios y dátim aixpicayjpa aich. ⁴Siip manañmadáypa tí miñpa iga cuando núcpa jém hora iga jém malopic pixiñtam mimalwadáypa, jesic inñjístámpa tí mannímáyñeta. Pecam dá idíc manañmadayñeta tí miñpa porque mañwaganaiífta mimichítam.

Tañquejáypa tí iwatpa jém Dios iAnama yíp naxyucmi

⁵Siip nicgacpa aífí juí íf jém acutsatnewiip. Pero ni tum de mimichítam da anacwáctámpa iga: “¿Juí miñicpa?” ⁶Pero siip tsam miñyácneta iñanamanjom porque manañmadayta tí miñpa. ⁷Mannímáyypa siip jém numapic añmatí. Más wí para mimichítam iga anicpa. Porque siiga dá anicpa, jesic dá miñpa jém Dios iAnama

iga miyoxpáttámpa. Pero siiga anicpa, jesic mañcutsadáypa jém Dios iAnama. ⁸ Cuando núcpa yíp naxyucmi jém Dios iAnama, jesic inquejáypa jém ityajwiip yíp naxyucmi iga táñcaíy. Inquejáypatim jém pixiñtam jutsap iwatyaj juuts ixunpa Dios. Inquejáypatim jém pixiñtam iga núcpa jém jama iga ciipiyajtap itumpiy jém malopic pixiñtam, chiiyajtap castigo. ⁹ Jém Dios iAnama inquejáypa jém pixiñtam iga táñcaiyay porque da acupicyajpa. ¹⁰ Anquejayajtapitím jém pixiñtam jutsap iwatyaj juuts ixunpa Dios porque siip anicgacpa jut it jém anJatuñ y mimichám da más ánixtámpa. ¹¹ Anquejayajtapitím jém pixiñtam iga ciipíñóypa Dios porque Dios iciipíñeum jém Wocciwiñ, jém injacpáppic yíp mundo, y ichiibatim castigo.

¹² Manañmadaytámtaoba jáyañ más cosa, pero siip da wiap iñyaachíy. ¹³ Pero cuando miñpa jém Dios iAnama jém inmatpáppic jém numapic añañti, jesic miñquejaytámpa itumpiy jém numapic añañmayooyi. Porque Dios iAnama da miñmadáypa de iyaac, pero miñmadáypa itumpiy jém cosa jém imatoñnewiip. Miñquejaytámpa ti miñpa. ¹⁴ Jém Dios iAnama ipictsonpa itumpiy jém ich anañquímayooyi y miwianquejaytámpa. Iwatpa jempic iga jém pixiñtam awiixyajiñ aich. ¹⁵ Itumpiy jém anJatuñpic imiichi, ammiichitím aich. Jeeyucmi mannímáypa iga jém Dios iAnama ipictsonpa ich anañquímayooyi y miñquejaytámpa mimichám.

Cáypa jém anyaaqui, maymáayajiñ jém Jesús icuyujciwiñ

¹⁶ Da jáyñe mimichám da ánixtámpa. Pero ocmi da jáypa ánixtámpa eybíc. Porque anicpa jut it anJatuñ Dios.

¹⁷ Jesic algunos jém Jesús icuyujciwiñ nanímayyajtap entre jeeyaj:

—¿Que ti nimtooba iga: “da jáyñe da ánixtámpa”, y “da jáypa ánixtámpa eybíc” y “porque anicpa jut it anJatuñ”? ¹⁸ ¿Que ti nimtooba iga: “dam jáyñe da tánixtámpa”? Da tañcutiñyáypa ti nimtooba jém tánOmi.

¹⁹ Jesic jém Jesús icutiñyíy iga jém icuyujciwiñ icwáctooba. Jesic iñímáy jeeyaj:

—¿Que minicwáctamtap ti animtooba cuando mannímáyñe iga: “dam jáyñe, da ánixtámpa” y ocmi, “da jáypa ánixtámpa eybíc”?

²⁰ Numa, mannímáypa iga tsam miwejtámpa, tsam miñyáctámpa.

Jém malopic pixiñtam jém ityajwiip yíp naxyucmi tsam maymáayajpa. Pero mimichám tsam miñyáctámpa. Pero ocmi cáypa jém anyaaqui, setpa iga mimaymáyatámiñ mimichám.

²¹ Cuando tum yomo icnaypa tsixi, agui anyáçne iga yaachap porque núcneum jém tsixi itóya. Pero ocmi cuando nayñeum jém tsixi, dam ijíspa jém yomo iga tsam yaachā micnay jém tsixi porque agui maymay iga icnayñe tum tsixi yíp naxyucmi. ²² Jesanétim mimichám siip tsam miñyáctámpa, pero jesic ocmi miñgacpa mánám y tsam mimaymáyatámpa.

Jesic jém maymáyají dá i wiap miccáyáy. ²³ Cuando núcum jém jama iga amiñgacpa, jesic dá tí anacwáctámpa mimichám.

’Numa mannímáypa iga jém anJatuḡ Dios michiiba títam iḡwágaytámpa ich anniyími. ²⁴ Hasta siip dá tí iḡwágayta Dios ich anniyími. Siibam wágaytaami Dios títam iñxunpa iga tsam mimaymáyatámpa cuando impictsoḡtámpa.

Jesucristo iconwiy jém Wocciwiñ ipími

²⁵ Hasta siip manaḡmadayñe cuentujmí, pero núcpa jém hora iga dá manaḡmadáypa cuentujmí. Mannuntawiaḡmadáypa tí iwiaḡjam jém anJatuḡ Dios.

²⁶ Jesic cuando núcpa jém jama, dá anaḡwejpátpa Dios para mimichám porque mimichám iḡwágáypa Dios títam iñxunpa ich anniyími. ²⁷ Jém anJatuḡ Dios iyaac miḡoytámpa porque michám antoytámpa aich y iḡcupictámpa iga ich atsucum juḡ it anJatuḡ Dios. ²⁸ Ich atsucum juḡ it anJatuḡ Dios. Miñ aítí yíp naxyucmí. Siip acáypam yíp naxyucmí. Eybictím anicgacpa juḡ it anJatuḡ Dios.

²⁹ Jesic nímaj jém icuyujciwiñ: —Siip numa iññuntawiaḡmatum. Dam iḡmatpa cuentujmí. ³⁰ Siip anjodónatámum iga iḡcutiíyípa itumpiy cosa, dá iñxunpa iga i micwácpa. Jeeyucmí maḡcupictámpa iga numa Dios micutsatne yíp naxyucmí.

³¹ Jesic jém Jesús iñmá y jeeyaj:

—¿Numa, iḡcupictámpa siip?
³² Mannímáypa iga núcum jém jama

iga aḡcupóyaytámpa mimichám. Micupujaytámpa. Miñictámpa yíim jeexic. Antsactámpa aich aḡcuḡum. Pero ich dá atsíypa aḡcuḡum porque siempre it con aich jém anJatuḡ Dios. ³³ Mannímáyta itumpiy yípyaj cosa iga odoy tí iḡcñtámiñ porque aḡcupicneta aich. Tienes que miyaachwattamtaḡ yíp naxyucmí, pero camamwati iñanama porque ich aḡcoñwiyñeum itumpiy jém Wocciwiñ ipími jém itwiip yíp naxyucmí.

Jesús iḡwejpátpa Dios para jém icuyujciwiñ

17 Jesic cuando yaj iḡmat jempic jém Jesús, ámqúim siḡyucmí. Moj iḡwejpát Dios. Nímpa:

—ManJatuḡ Dios, siip núcneum jém hora iga accaatḡ. Siip wati títam iñxunpa iga jém pixiñtam awíixyajiñ aich, jém michpic immanic. Jesic ich aḡwatpatím jém yoxacuy juuts mich iñxunpa iga jém pixiñtam miwíixyajiñtím. ² Mich anchi jém pími iga anaḡjacpa itumpiy jém pixiñtam. Ampictsoḡ jém autoridad iga anchiiyajpa jém vida jém dápic cuyajpa itumpiy jém pixiñtam jém michpic anchiñe. ³ Ipictsoḡyajpa jém vida jém dápic cuyajpa siiga miixpicayajpa mimich jém tumpic miDios y siiga aixpicayajpatím aich, jém aJesucristo jém michpic aḡcutsatne yíp naxyucmí.

⁴ Yajum aḡwat jém yoxacuy jém anchiñewiip mimich, jeeyucmí tsam micujípyajpa jém ityajwiip yíp naxyucmí. ⁵ Siip manJatuḡ Dios, awadaayi juuts mich iñxunpa iga

acujíptaiñ con mimich juustsim
acujípneta cuando jáy tawagaií
cuando danam tañwatne yíp
mundo.

⁶Yíp ampixiñtam, jém
inçupinewiip yíp naxyucmi,
mich immiichi idíc y siip
mich anchi. Ananquejayyay
yíp ampixiñtam itumpiy jém
michpic iniñquímayooyi iga
miwixpicayajiñ. Siip iwatyajpa
juuts nimpá iniñquímayooyi. ⁷Siip
ijodónayay iga mich immiichi
itumpiy jém ananquímayooyi jém
michpic anchiiñe. ⁸Anchiiñeyajum
jém ampixiñtam jém añañati,
jém michpic anchiiñe. Siip
ipictsoñneyajum jém añañati y
ijodónayajum iga numa ich amiñ
siñyucmi juñ miit. Icupicyajpa iga
mich añañatsatne yíp naxyucmi.

⁹Siip manañwejpátpa
mimich para jém ampixiñtam.
Da manañwejpátpa para jém
ityajwiip yíp naxyucmi jém
dapic acupicneyaj. Solamente
manañwejpátpa para jém
ampixiñtam jém michpic
anchiiñe porque immiichiñim
mich. ¹⁰Itumpiy jém ichpic
ammiichi, immiichiñim mich. Y jém
michpic immiichi, ammiichiñim
ich. Acujíptap aich porque jém
ampixiñtam iwíwatyajpa.

¹¹Siip ich da atsýpa yíp
naxyucmi. Tsýyayjpa jém
ampixiñtam. Ich anicpa siñyucmi
juñ miit. Siip manJatun Dios,
miCuáyñewiip, con mich impimi
wati cuenta jém ampixiñtam jém
anchiiñewiip iga iniñyajiñ tumti
jixi juustsim taichtam. ¹²Iganam
añwaganaitýaj yíp naxyucmi jém

añcuyujciwiñ, jém anchiiñeyajwiip
mimich, ich añwatneyaj cuenta
con mich impimi. Da ti inñascaneyaj.
Da togoyñe ni tum, nada más jém
togoyñewiip dende wiñigam. Je
togoy iga cupacpa jém añañati jém
jaychacnetawiip.

¹³Siip anicpa juñ miit, manJatun
Dios. Pero iganam ait yíp naxyucmi,
mannímáypa yípyaj cosa, jesic jém
añcuyujciwiñ maymáayajpatim
juustsim aich. ¹⁴Ich anchiiñeyaj
jém añcuyujciwiñ jém michpic
iniñmatí. Jém malopic pixiñtam,
jém itýajwiip yíp naxyucmi, tsam
ijóyixyajpa jém añcuyujciwiñ
porque jeeyaj dátim yíp
naxyucmipic pixiñtam. Jextim
juuts ich da yíp naxyucmipic apixiñ.

¹⁵Siip da mannímáypa iga accaayi
jém añcuyujciwiñ yíp naxyucmi.
Pero mannímáypa iga wati cuenta
iga jém Wocciwiñ da wiap
imalwadáy. ¹⁶Ich añcuyujciwiñ
da je yíp naxyucmipic pixiñtam,
jextim juuts aich da yíp
naxyucmipic apixiñ. ¹⁷Accámyaji
yíp añcuyujciwiñ juuts mich
iñyoxaciwiñ iga tsýyajiñ juuts
mich immiichi iga inmatyajiñ jém
numapic añañati. Jém michpic
iniñmatí jém nunta numapic.

¹⁸Añañatsatpa jém añcuyujciwiñ
iga inquejayyajiñ jém pixiñtam jém
ityajwiip yíp naxyucmi juustsim
mich añañatsatne yíp naxyucmi.

¹⁹Ich anyaac anaccámta juuts
mich iñyoxaciwiñ para que jém
añcuyujciwiñ wiaptim iniccám
juuts tum iñyoxaciwiñ iga
inmatyajiñ jém numapic añañati.

²⁰Da manañwejpátpa solamente
para jém añcuyujciwiñ jém

siippic íf, pero manaŋwejpátpa para ítumpiy jém pixiñtam jém acupicyajpáppic aich cuando imatoŋyajpa jém aŋcuyujciwiñ iŋmafi. ²¹Maŋwágáypa, manJatun Dios, iga tumti jixi iniityajiñ ítumpiy jém ampixiñtam jém acupicneyajwiip, jesapfim juuts taich tumti jixi tanaifía. Yoxpaati ítumpiy jém acupicneyajwiip iga tumti jixi tanaifía tiantumpiytam. Jesic jém dápic acupicneyaj, wiañ icupicyaj iga mich aŋcutsatne yíp naxyucmi. ²²Anchiiñe jém impimi, jém michpic anchi, iga tumti jixi iniityajiñ jextim juuts taichtam tumti tanjixi tanaifía. ²³Ich aif jém aŋcuyujciwiñ ianamanjom. Mich miiftim ich ánanamanjom. Jeeyucmi tumti jixi tanaifía tantumpiytam. Jesic jém tungac pixiñtam, jém dápic icupicneyaj, iwijodoŋ iga mich aŋcutsatne yíp naxyucmi. Ijodoŋtim iga tsam iñtoyyajpa jém aŋcuyujciwiñ juutstim mich antoypa aich. ²⁴ManJatun Dios, ansunpa iga aŋwaganaitiyajiñ jém aŋcuyujciwiñ, jém michpic anchiiñe. Ansunpatim iga iixyajiñ jém ampimi jém michpic anchiiñe porque mich antoypa antes que wattap yíp nas. ²⁵ManJatun Dios, agui micuáyñe. Jém ityajwiip yíp naxyucmi da miixpicajpa, pero ich, nupa mánixpicpa y jém ampixiñtam ijodoŋayaj iga mich aŋcutsatne yíp naxyucmi. ²⁶Aŋwianquejáy jeeyaj iga icutiyyiyajiñ iga miapaap mimich. Seguido anaquejáypa iga iniityajiñ jém wibic tóyooyi juuts mich antoypa aich. Jesic ich aif jém ampixiñtam ianamanjom.

Matsta Jesús, nanicta preso

(Mt. 26:47-56; Mr. 14:43-50; Lc. 22:47-53)

18 Jesic cuando yaj iŋmat yípyaj aŋmafi, moj niquiyaj con jém icuyujciwiñ. Nicyaj tum ni aŋwiñtuc, iñiyi Cedron. Jemum it tum finca de olivos, tigiyaj Jesús con icuyujciwiñ. ²Jém Judas, jém iwadayaap atraición, ijodoŋtim jut it jém lugar porque wafciy iwaganaoyaj jém Jesús jém icuyujciwiñ. ³Jém panij aŋjagooyiyaj con jém fariseoyaj icutsatyaj jutén pixiñtam y jém policia con jém Judas iga nicpa imatsyay jém Jesús. Jesic jém Judas ininicpa jeeyaj hasta jut it jém Jesús. Ininicyaj jém espada y lanza. ⁴Iwijodoŋ Jesús ti iñascaaba, pero dá cŋpa. Jesic nic iwiñquejáy jém miñneyajwiip. Iñímáy jeeyaj: —¿I immétspa? ⁵Nimyajpa jém policia: —Jém Jesús, jém Nazaretpic. Jesic Jesús iñímáy: —Aicham. Jém Judas, jém iwadayaap atraición jém Jesús, iwaganait jém policia. ⁶Cuando iñímáy Jesús jém miñneyajwiip iga: “Aicham”, jesic ítumpiy de jeeyaj iñicayaj ituuñi, tsutyaj. ⁷Jesic eybicim iñímáy Jesús jém policia: —¿I immétspa? Nimyajpa jeeyaj: —Jém Jesús, jém Nazaretpic. ⁸Jesús eybic iñímáy jeeyaj: —Mannímáyñeum iga aicham. Siiga ammétstampa aich, jesic wiñfi jégaayi iga nicyajiñ yíp ampixiñtam. ⁹Nimpa jempic jém Jesús iga cupacpa jém aŋmafi jém

inmatnewiip wiñti. Nimpa: “Jém ampixiñtam, jém achiiñewiip Dios, ni tum ña antsictogoy.” ¹⁰ Jesic jém Peto itop jém espada, ifiñquímáy tum pixiñ ifatsic jém anjwimipic. Jém pixiñ icuyoxap jém cobacpic panij, inñyi Malco. ¹¹ Jesic Jesús inñmáy jém Peto:

—Coti jém espada inñajom. ¿Que ña inñjodoñ iga anJatuñ Dios ijēpa iga ayaachwattap y ich tienes que anyaachyapa?

Nanicta Jesús jém panij anjagooyi ificciim

(Mt. 26:57-58; Mr. 14:53-54; Lc. 22:54)

¹² Jesic jém pixiñtam jém icutsatneyajwiip jém panijyay y jém comandante con ipolicía imatsyay jém Jesús. Ichenyaj. ¹³ Jesic wiñti nanictap Jesús jém Anás ificciim, jém Anás imiit jém Caifás, jém cobacpic panij jém amtiy. ¹⁴ Jeeñim Caifás, jém ichiñewiip consejo jém judíos, iga más wi iga accaataiñ tum pixiñ iga odoy togoyajiñ itumpiy jém Israelpic pixiñtam.

Jém Peto inñécpa iga iixpicpa Jesús

(Mt. 26:69-70; Mr. 14:66-68; Lc. 22:55-57)

¹⁵ Jém Peto itúñy Jesús con jém tungac icuyujciwiñ. Jém Caifás iixpicpa jém pixiñ, jeeyucmi tigiy con Jesús jém Caifás itaaniñjom.

¹⁶ Pero tsíy anñicmi jém Peto jém taañ anñaca. Tigiyñe jém tungac discípulo, jém iixpicpáppic jém Caifás, ijíyáy jém yomo jém iwatpáppic cuenta jém puerta. Iacunucsay iga tigiyiñ jém Peto.

¹⁷ Jesic jém yomo inñmáypa jém Peto:

—¿Que mimich, ña yíp pixiñ micuyujciwiñ?

Jesic nimpa jém Peto:

—Ich ña aje.

¹⁸ Jesic como tsam succuc, jém policia con jém icuyoxayajpaap jém cobacpic panij, icnúcyaj justí iga samyajpa. Iwaganaiñyajtím jém Peto. Sampañim mex je.

Jém panij anjagooyi icwácpa Jesús

(Mt. 26:59-66; Mr. 14:55-64; Lc. 22:66-71)

¹⁹ Jesic jém cobacpic panij moj icwác jém Jesús. Nímaytap: —¿Itam jém inñcuyujciwiñ? ¿Juutspic anñquímayooyi síp inñquej?

²⁰ Jesic Jesús icutsonñ. Nimpa: —Ich siempre anañmatpa jém anañmáti itumpiy jém pixiñtam iwiñjom jut wíap imatonyyaj i quej. Siempre accuyujóypa jém sinagoga y jém mñjpic mañticjom. Ña ti anyámañmatpa. ²¹ ¿Tiiga anacwácpa aich? Acwácyaji jém pixiñtam jém amatonneyajwiip. Jeeyaj wíap miñmadayyaj ti anañquejayñeyaj. Iwijjodonyyaj ti annímáy.

²² Cuando nimpa jempic jém Jesús, jesic tum policia ichi tum toji iacpacyucmi. Nimpa jém policia:

—¿Que jempigam inñcutsonpa jém cobacpic panij?

²³ Jesic Jesús inñmáy jém policia: —Siiga amalnim, jesic anñmaayi ti mal anim. Pero siiga ña amalnimne, ¿jesic tiiga anñcótspa?

²⁴ Tsenneta jém Jesús cuando jém Anás icutsadáy jém cobacpic panij, jém Caifás.

**Eybićtim iḡnécpa jém Peto iga
iixpicpa Jesús**

(Mt. 26:71-75; Mr. 14:69-72; Lc. 22:58-62)

²⁵ Jesic jemum teñ jém Peto nocojom jém jucticiim. Sampa ixi. Jém ifyajwiip iñmawayaj jém Peto: —Mimich, ¿da yíp pìxiñ micuyujciwiñ?

Jém Peto iḡnécpa. Nìmpa:

—Ich da aje.

²⁶ Jesic tum jém icuyoxapaap jém cõbacpic panij ijyáypa jém Peto. Jém itíwi, jém itijquímayñewiip itatsic. Nímayta jém Peto:

—¿Que da mánix jém finca de olivos, juť matsta jém pìxiñ?

²⁷ Jesic eybićtim iḡnéc jém Peto iga iixpicpa Jesús. Jesic jeetim rato anwejpa tum cayu.

Nanicta Jesús jém Pilato iwiñjom

(Mt. 27:1-2, 11-14; Mr. 15:1-5; Lc. 23:1-5)

²⁸ Jesic topta Jesús jém Caifás iticciim. Nanicta jém palacio juť it jém Romapic gobernador. Tsuuytim. Joccuquej. Jém panij anjagooyiyaj da tigiyaj jém palacio porque ijisyajpa jém Israelpic pixiñtam siiga tigiyapa jém Romapic pixiñtam iticjom, da tsý juuts cuáyne, jesic da wiap icútyaj jém pascuasij wíccuy. ²⁹ Jeeyucmi put ipalacio jém Pilato, nic anciim iga iam jém Israelpic anjagooyiyaj. Nímayta jeeyaj:

—¿Ti quejaj inimiñ para yíp pìxiñ?

³⁰ Jesic jém judíos injagooyiyaj icutsonyaj, nìmyaj:

—Meega da pìmi mal iwatne yíp pìxiñ, jesic da mañciijucodáypa inciijom.

³¹ Jesic jém Pilato iñmáym jeyaj:

—Nasettaami eybic jemíc, ciipintaami con michfam iniñquímayooyi.

Jesic nìmyajpa jém judíos:

—Da anaíta derecho iga anaccaatámpa ni tum pìxiñ.

³² Iwatyajpa jempic iga cupacpa jém anmaťi jém nìmnewiip Jesús cuando iñmáym jém icuyujciwiñ juťpic accaatap. ³³ Jesic jém Pilato tigiyacum jém palacio. Inwejay Jesús, iñmáym:

—¿Que micham jém judíospic miRey?

³⁴ Jesic Jesús icutsonj jém gobernador, iñmáym:

—¿Que mich iñyaac miñimpa jempic o tungac miñmadayne iga aiapaap?

³⁵ Nìmpa jém Pilato:

—¿Que ich ajudío? Jém michpic iññiwitam, jém judíos, con jém panij anjagooyiyaj micijjuñcotyaj ich anciijom. ¿Ti mal inwatne?

³⁶ Jesic Jesús iñmáym jém Pilato:

—Numa ich atsýpa juuts anjagooyi, pero da ananjacpa jém pìxiñtam juuts yíp naxyucmipic anjagooyiyaj. Siiga ananjacpa juuts yíp naxyucmipic anjagooyi, jesic anayajpa jém ampixiñtam iga odoy i wiañ aciijucot jém judíos iciijom. Pero ich da ananjacpa juuts yíp naxyucmipic anjagooyiyaj.

³⁷ Jesic jém Pilato iñmáym jém Jesús:

—¿Que numa micham jém miRey?

Jesús icutsonj. Nìmpa:

—Mich miñimpa iga ich aRey. Ich anay y amiñ yíp naxyucmi iga ananjmadáypa jém pìxiñtam jém numapic anquímayooyi. Jesic itumpiy jém icupicyajpápic

jém numapic anquímayooyi,
imatoŋyajpa tí anaŋmadáypa.

³⁸Nimpa jém Pilato:

—¿Tí jém numapic anquímayooyi?

Cijunçotta Jesús iga accataiñ

(Mt. 27:15-31; Mr. 15:6-20; Lc. 23:13-25)

Jesic cuando yaj icwác jém Pilato,
putgac ançicmi. Eybicím nic
iñímáy jém judíos:

—Ni tum itáŋca dá ampadáy yíp
pixiñ. ³⁹Pero iniitá tum costumbre
iga cada pascuasíŋ ançutsigáypa
tum preso para mimichfam. ¿Jesic
tí iñxunpa, iŋwianjamta iga
ançutsigáypa jém judíos iRey?

⁴⁰Jesic itumpiy de jeeyaj eybicím
pimi jiyayjpa. Nimyajpa:

—Odoy cutsigaayi yíp pixiñ.
Cutsigaayi jém Barrabás.

Jém Barrabás tum númpaap.

19 Jesic jém Pilato ipimíy
isoldado iga imatsyajíñ
jém Jesús y icótsyajíñ pimi con
jém cótsóycuy. ²Jesic ocmi jém
soldado ipicyaj apíí, ífacpa tum
corona, iccámayyaj jém Jesús
icobacyucmi. Iccámayyajtim tum
yagats yooíí moradopic. ³Jém
soldado ixaayiyajpa, icunúcyajpa
Jesús, iñímayyajpa:

—Xutsóy, miRey de jém judíos.

Tsam icótsayyajpa íacpac.

⁴Jesic jém Pilato eybic put ançicmi
jém ipalacio. Iñímáy jém judíos:

—Íxtaami. Manamíñáy eybic yíp
pixiñ iga manacjodóŋata iga dá
ampadáy ni tum itáŋca.

⁵Jesic naputta Jesús jém palacio.
Accámayñeta jém apíí corona
icobacyucmi. Accámayñetaím jém
yagats yooíí moradopic. Jesic jém
Pilato iñímáy jeeyaj:

—Yiim íí jém pixiñ.

⁶Jesic cuando jém panij
ançagooyiyaj con jém policía iixyaj
jém Jesús, pimi jiyayjpa, nimyajpa:
—iCunúntaami cunusyucmi!

iCunúntaami cunusyucmi!

Jesic Pilato iñímáypa jeeyaj:

—Nanictaami mimichfam.

Cunúntaami cunusyucmi. Ich dá
ampadáy ni tum itáŋca.

⁷Pero jém judíos iñímayyaj jém
Pilato:

—Anaitá tum anaŋquímayooyi.
Nimpa jém anaŋquímayooyi iga
accataiñ jém pixiñ porque nimpa
iga: “Dios aManic.”

⁸Jesic jém Pilato mu imatoŋ tí
iŋmadayyaj, másím cñ. ⁹Jesic
eybicím jém Pilato ininíc Jesús
jém palacio, eybic icwácpa,
nímayta:

—¿Jutpic mipixiñ?

Pero Jesús dá icutsoŋ.

¹⁰Jesic Pilato iñímáy jém Jesús:
—¿Que mimich, dá anjýáypa?
¿Da iñjodoŋ iga ich anait jém
autoridad iga maŋcunúnpa
cunusyucmi y anaitím autoridad
iga maŋcutsigáypa?

¹¹Jesic Jesús iñímáypa jém Pilato:
—Mich dá tí wiap anwadáy
siiga dá íjcpa anJatuŋ Dios. Jém
autoridad jém iniitwiip mimich,
michiñe jém anJatuŋ Dios.
Jeeyucmi jém acijunçotnewiip
mich iŋciñjom más táŋcafy que
mimich.

¹²Dende jesigam jém Pilato
imétstip jutsap icutsigáy jém Jesús.
Pero pimi jiyayjpa jém judíos.
Nimyajpa:

—Siiga iŋcutsigáypa yíp pixiñ,
jesic dá je miamigo jém emperador

jém ítwiip Roma. Siiga tum pìxiñ nacámtap iga rey, jesic tsíypa iga jém emperador ienemigo.

¹³ Jesic cuando jém Pilato imaton tí inímayyajpa jém pìxiñtam, eybictim ítop jém Jesús jém palacio. Ininic anšicmi. Coñ jém Pilato jém coñcuyucmi juí cñpíjópá. Jém lugar iníyi Gabata. Jém hebreopic anmatimi nímtooba jém piso juí wíwatnetá con jém tsa. ¹⁴ Iwatyajpa jempic como las seis de la mañana. Yíp jém jama antes que núcpa jém jecuyjama, jeetím semana cuando wattap jém pascuasij. Jesic jém Pilato inímay jém judíos:

—Yiim íf jém iníRey.

¹⁵ Jesic pimi jiyajpa jém pìxiñtam. Nímyajpa:

—iAccaataami! iAccaataami!
iCunúntaami cunusyucmi!

Jém Pilato inímay jém pìxiñtam:

—¿Que inxuntámpa iga anjunúnpa cunusyucmi jém iníRey?

Jesic jém panij anjagooyiyaj inímayyajpa jém Pilato:

—Da anaíta tuḡgac más rey.

Aichtam anrey jém emperador jém ítwiip Roma.

¹⁶ Jesic ocmi jém Pilato iciijuncot Jesús jém soldado iciijom iga cunúntañ cunusyucmi. Jeeyaj ininicyaj jém Jesús.

Cunúnta cunusyucmi jém Jesús

(Mt. 27:32-44; Mr. 15:21-32; Lc. 23:26-43)

¹⁷ Jesic nanictá Jesús. Accónnetá icunus. Nícpa jém lugar iníyi jém Tsútsçobacpacçim. Iníyíitim Gólgota jém anmatimi hebreo.

¹⁸ Jemum cunúnta Jesús

cunusyucmi. Jeetím jama cunúntañ cunusyucmi tuḡgac

wisten pìxiñ. Páḡayfa jém icunus tumtum cada lado. Cucmi tsíy jém Jesús icunus. ¹⁹ Jém Pilato iwat tum letrero iga accámayfaiñ jém Jesús icobacantcimi. Jaycámnetá: “Jesús jém Nazaretpic jém judíos iRey.”

²⁰ Jáyaḡ jém judíos imayyajpa jém letrero porque juí cunúnnetá cunusyucmi jém Jesús, da juumi de jém atebet Jerusalén. Watnetawom jém letrero tres anmatimi, jém hebreo, jém latín y griego. ²¹ Jém panij anjagooyi inímayyaj jém Pilato:

—Odoy jayí iga: “judíos iRey”, jayí iga: “Nímpa yíp pìxiñ iga ich aRey de jém judíos.”

²² Pero jém Pilato inímay jém panijyaj:

—Como anjayñeum, tsíyñam juípic anjayñe.

²³ Jesic jém soldado cuando icunúnneyajum jém Jesús cunusyucmi, ífobayyaj ítumpiy jém Jesús ipuctucu. Iwécyaj icucuatro jém soldado, pero jém iyooíi tácneta icuyagats, da núnnne. ²⁴ Jesic nanímayyajtá jém soldado:

—Da tanjactámpa yíp yooíi, pero tammétstámpa por sorteo i icoñwíypa. Jeam imiichap yíp yooíi.

Iwatyajpa jempic iga cupacpa jém anmatí juuts jayñeta jém Dios inmatí. Nímpa iga: “Jém pìxiñtam awégayyajpa ich ampuctucu. Imétsyajpa por sorteo i icoñwíypa jém anyooíi.” Jempam iwatyaj jém soldado.

²⁵ Juí cunúnnetá cunusyucmi Jesús, da juumi íftim iapa, con iapa iyomtiwi, íf jém Malía jém Cleofas iwichomo y Malía Magdalena.

²⁶ Jesic cuando iix Jesús jém iapa

y iixfím iga nocojom teñ tum jém icuyujciwiñ jém tsampic ífoypa, jesic inímay jém iapa.

—Miyomo, jempic íf mich immanic.

²⁷Jesic ocmi jém Jesús inímayfím jém icuyujciwiñ jém tsampic ífoypa:

—Jempic íf mich iníapa.

Jesic dende jém tiempo jém pìxiñ ininic jém Jesús iapa íficcim iga iwatpa cuenta.

Ca jém Jesús

(Mt. 27:45-56; Mr. 15:33-41; Lc. 23:44-49)

²⁸Jesic ocmi ijodoj Jesús iga cupacneum ífumpiy jém iyoxacuy. Jesic iga cupacpa jém Dios inmatí, jém jaychacnetawiip, nimpá:

—Ich aníctitpa.

²⁹Jemum íf tum majcuy comne con jém tãmpic vino. Jesic algunos imujpa juuts tum puqui con jém vino, iccám tum waycuyucmi iga igucpa Jesús uxaj jém vino. ³⁰Jesic iuc uxaj jém tãmpic vino, nim Jesús:

—Cupacneum.

Injquet icobac, put ianama, caum jém Jesús.

Tseñayta jém Jesús ipócpacañaca con lanza

³¹Jesic yíp jém jama antes que núcpa jém jejcuyjama. Jeetím jejcuy jama cuyajpa jém pascuasij, jeeyucmi jém judíos da iwianjamyaj iga tsíyyajpa jém tsúts cunusyucmi jém jejcuyjama. Jesic iwágayyajpa jém Pilato iga ichiñ orde iga nácsnácsquidáytañ jém iwífpuy jém cunúnnetawiip cunusyucmi iga ixtañ iga caaneum. Jesic wiap

icquetyaj. ³²Jesic jém soldado nic inácsnácsquidáyay iwífpuy jém wiñtipic pìxiñ jém cunúnnetawiip cunusyucmi con Jesús y ocmi jém tuñgac. ³³Pero cuando núcyaj juí íf jém Jesús, jém soldado iixyay iga caaneum. Jeeyucmi da inácsnácsquidáy jém iwífpuy.

³⁴Pero tum soldado ichéñay ipócpacañaca con lanza, jeetí rato putpa niipiñ y ni. ³⁵Ich, jém ánixñewiip tí inasca jém Jesús, atsíy juuts testigo jém numapic iga incupictámiñ. Da mammigóyáypa. Ich añwíjodoj tí síp manañmadáy. ³⁶Iwatyajpa jempic iga cupacpa jém añmatí juí jayñeta jém Dios inmatí. Nimpá iga: “Da i iquidáypa ni tum ipac.” ³⁷Tuñgac parte nimpatím jém Dios inmatí: “Jém pìxiñ agui iámyajpa jém pìxiñ jém tsejnetawiip.”

Cumta jém Jesús

(Mt. 27:57-61; Mr. 15:42-47; Lc. 23:50-56)

³⁸Íftim jem tum pìxiñ iníyi José, Arimateapic pìxiñ. Icupicnetím Jesús, pero inyampa iga icupicpa porque tsam icinpa jém Israelpic añjagooyiyaj. Jesic cuando caaneum Jesús, jém José nic iwágay permiso jém Pilato iga ininigáypa Jesús imijtay. Jém Pilato ichi permiso. Jesic jém José oy ipigáy imijtay, ininic. ³⁹Siibatím jém Nicodemo, jém oyñewiip iám Jesús tsuucim. Jém Nicodemo inimiñ cien libras jém pooíi jém cìnpaap, namotnetá jém mirra con jém áloes. ⁴⁰Jesic jém José y jém Nicodemo ininigáy jém Jesús imijtay. Iccámayyaj jém pooíi jém cìnpaap, inmónayyaj con wibic

puctucu. Iwadáy ifumpiy juuts jém Israelpic pixiñfam icostumbre cuando icumpa tum tsúts. ⁴¹Jem juú cunúnta cunusyucmi jém Jesús íf tum huerto. Jém huertojom íf tum tsaajos yaguiñ watneta, juú cumtap tsúts. Pero da i queman icot ni tum tsúts jém tsaajosjom. ⁴²Noco íf jém tsaajos. Jeeyucmi jém José y Nicodemo nic icodayyay jém Jesús imijtay jém tsaajosjom porque tsucumtoobam jém jecuy jama iga jeyajpa jém judíos.

Pis jém Jesús

(Mt. 28:1-10; Mr. 16:1-8; Lc. 24:1-12)

20 Jesic cuando nasneum jém jecuyjama, jém tungagam jama, icuquejama, jém Malía Magdalena nic tsuuyítim jém tsaajosciim. Piichinam. Mu inúc, iix iga jopputnetawum jém tsa jém jos inúccuy. ²Jesic póyañtsucum jém Malía, nic íam jém Peto y jém tungac icuyujciwiñ, jém tsampic itoypa Jesús. Jém Malía inímáy jém wisten icuyujciwiñ:

—Topnetawum jém tánOmi imijtay jém tsaajosjom, nanicnetawum. Da anjodoñ juú tsacta.

³Jesic moj niqúi jém Peto con jém tungac jém Jesús icuyujciwiñ. Nicyajpa jém tsaajosciim. ⁴Poyimi nicyaj icuistic, pero jém tungac icuyujciwiñ más jicsiy nic que jém Peto. Anjagóy miñuc jém tsaajosciim. ⁵Jém mojnewiip nuuqui ámcúm jém tsaajosjom. Iix iga íf no más jém wibic puctucu, jém Jesús inmónóycuy, pero da tigiy jém tsaajosjom. ⁶Ocmim núc jém Peto, tuñiañciim miñ. Tigiy jém tsaajosjom. Iixím iga jemum

íf no más jém inmónóycuy. ⁷Iixím iga íf jém icobacañmónóycuy, pacnetawum, tsacnetawum tum áñeymi. ⁸Jesic tigiy mex jém tungac icuyujciwiñ, jém mojnewiip nuuqui jém tsaajosciim. Iix iga da i jém Jesús imijtay, jesic icupic iga pisneum. ⁹Porque danam icutiñiyñeyaj jém Dios inmañi juú jayñeta iga tienes que pispa jém Jesús de juú íf jém caaneyajwiip. ¹⁰Jesic jém wisten jém icuyujciwiñ setyay eybíc iticciim.

Iwiñquejáy Jesús jém Malía Magdalena

(Mr. 16:9-11)

¹¹Pero tsíy jém Malía jém tsaajosañnaca. Wejpa jém yomo. Iganam wejpa ámcúmpa jém tsaajosjom. ¹²Iix wisten jém siñyucmicipic pixiñ. Agui popo ipuctucu. Jemum coñyay juú íf idíc jém Jesús imijtay. Tum coñ juú íf idíc icobac, tum coñ juú íf idíc ipuy. ¹³Jesic jeeyaj icwácyajpa jém Malía. Nímaytap:

—Miyomo, ¿tiiga miwejpa?

Jesic nimpa jém Malía:

—Awejpa porque nanicnetawum jém ánOmi imijtay y da anjodoñ juú tsagayñeta.

¹⁴Cuando yaj jiyi jém Malía, ámsset ífuñiañciim. Iix iga jemum teñ jém Jesús. Pero da icutiñiyápa iga numa jeam jém Jesús. ¹⁵Jesic Jesús inímáy jém Malía:

—Miyomo, ¿tiiga miwejpa? ¿I immétsa?

Jém Malía da iixpicpa iga jeam jém Jesús, injampa iga je jém pixiñ jém iwatpáppic cuenta jém huerto. Jeeyucmi Malía inímáy:

—Mimich, siiga ininicne jém ánOmi imíjtay, aṇmadaayi juṭ iñchacne, jesic nicpa ampic.

¹⁶Jesic nimpá Jesús:

—iMiMalía!

Jesic ámsɛt jém Malía. Ijýáy jém Jesús. Nímáyṭa jém hebreopic aṇmaṭími:

—iRaboni!

Tanaṇmaṭími nímtooba:
MamMaestro.

¹⁷Jesic Jesús iní máypa jém Malía:

—Odoy atsici porque danam aquímne juṭ it anJatuṇ Dios. Siip nígi aṇmadaayi jém tantíwítam, jém aṇcuyujciíwiñ, iga aquímgacpa juṭ it jém anJatuṇ y inJatuṇtím mimichṭam, hasta juṭ it ich anDios y inDiosṭím mimichṭam.

¹⁸Jesic jém Malía Magdalena nic inmadáy jém Jesús icuyujciíwiñ. Nimpá jém Malía:

—Ánixñeum jém tánOmi.

Inmadáyṭím jeeyaj tí iní máy jém Jesús.

Iwiñquejáyṭím Jesús jém icuyujciíwiñ

(Mt. 28:16-20; Mr. 16:14-18; Lc. 24:36-49)

¹⁹Jesic jém wiñtipic jama de jém semana, aṇtuumaṇeyaj tsuucim jém Jesús icuyujciíwiñ tum ticjom. Wíañpajnetá jém tic porque tsam icíñyajpa jém judíos. Jesic jeetí rato iixyaj iga jém Jesús iwaganaiṭyajum icuyujciíwiñ. Pero dá i iix juṭ tigíy. Nimpá jém Jesús:

—iXutsóyṭam!

²⁰Mu iní máy Jesús, jesic inquejáy jém ici y ipócpacaṇṇaca juṭ coowane. Jesic icuyujciíwiñ cuando iixyaj jém tánOmi, tsam pími maymayyaj.

²¹Jesic eybicṭím iní máy Jesús:

—iXutsóyṭam! Juuts jém anJatuṇ Dios acutsat yíp naxyucmi iga aṇwatpa jém Dios iyoxacuy, jempicṭím maṇcutsattámpa mimichṭam iga inwattámiñ jém Dios iyoxacuy.

²²Jesic cuando yaj inmadáy jempic jém Jesús, iuxjpa jém icuyujciíwiñ. Iní máy:

—Pictsoṇṭaami jém Dios iAnama.

²³Siiga mimichṭam iníoxpátpa jém píxiñtam iga jeeyaj inmadáypa Dios itáñca, jesic wadayṭap perdón jém itáñca. Dam i ichiiba castigo. Pero siiga dá iníoxpátpa jém píxiñtam iga inmadáypa Dios itáñca, jesic dá i iwadáypa perdón jém itáñca.

Jém Tomax iix iga numa pisneum jém Jesús

²⁴Pero jém Tomax tum de jém docepic icuyujciíwiñ, jém iníyítím Mechí, dá i con los de más cuando núc jém Jesús juṭ it icuyujciíwiñ.

²⁵Jesic jém tuṇṇac icuyujciíwiñ inmadayyaj jém Tomax tí iixñeyaj: —Ánixñetámum jém tánOmi.

Pero jém Tomax iní máy jeeyaj:

—Siiga dá ánixáypa ici juṭ jetne con jém clavos y aṇcodáypa aṇwayci juṭ coowane y siiga dá aṇcucompa aṇci juṭ tsejanyñeta jém ipócpacaṇṇaca, jesic dá aṇcupicpa.

²⁶Jesic tuṇṇagam ocho día eybicṭím aṇtuumaṇayaj jém Jesús icuyujciíwiñ tum ticcim. Jesic ítum mex jém Tomax. Iwíañpajneyajṭím jém tic. Jesic eybicṭím miñ Jesús, iwaganaiṭyaj jém icuyujciíwiñ. Dá i iix juṭ tigíy jém Jesús. Iní máy jeeyaj:

—iXutsóyṭam!

²⁷Jesic iní máy jém Tomax:

—Miñi aámaayi jém aŋci. Coti iŋwayci juť coowane. Cucomi iŋci juť coowane jém ampócpacaŋna. Tsaci iga da iŋcupicpa. Cupici iga apisneum.

²⁸Jesic jém Tomax iñímáy jém Jesús: —iMánOmi, manDios!

²⁹Jesic Jesús iñímáy jém Tomax: —Mich iŋcupicpa iga apisneum porque ánixñe. Pero tsam wíiřpa jém dápic ánixñeyaj, pero icupicyajpa iga apisneum.

Nimpa jém Xiwan tiiga ijay yíp libro

³⁰Jém Jesús tsam jáyan wítampic milagro iwat cuando iwaganait icuyujciwiñ. Pero da anjaycámne itumpiy jém milagro yíp librojom.

³¹Pero yiimpic anjaycámneum iga iŋcupictámiñ iga Jesús je jém Cristo jém Dios iManic. Siiga iŋcupictámpa, jesic impictsoŋtámpa jém vida jém dápic cuyajpa jém tánOmi Cristo iñiyimi.

Iwiñquejáy Jesús siete jém icuyujciwiñ

21 Jesic ocmim Jesús iwiñquejáy eybictim jém icuyujciwiñ jém laguna aŋna jém Tiberias.

Yiimpic iwiñquejáy jém icuyujciwiñ.

²Iwaganaityaj jém Ximój Peto algunos jém Jesús icuyujciwiñ. Íť jém Tomax, iñiyiřim Mechi, ířtim Natanael jém Galileapic piñiñ, ířtim Zebedeo imanictam con tuŋgac wiřten jém icuyujciwiñ. ³Jesic jém Ximój Peto iñímáy jém icompañeroyaj:

—Nicipa atiřpmachi.

Nimyaj jeeyaj:

—Anictámpařim. Tawaganicpa.

Jesic nicyaj, químyaj tum barcojom. Pero jém tsuu da ři imatsyaj ni tum tiipi. ⁴Jesic cuquejtoobam, núc Jesús jém ni aŋna. Pero jém icuyujciwiñ

da iixpicyaj iga Jesús. ⁵Jesic jiypa Jesús, iñímáy:

—¿Miwoñjaychixřam, da iniířta tiipi?

Jeeyaj icutsoŋyaj. Nimyaj:

—Da i.

⁶Jesic jém Jesús iñímáy jeeyaj:

—Coti jém iñred jém aŋwimipic lado de jém imbarco. Jemum immatspa jém tiipi.

Jesic icotyaj jém ired y tsam jáyan tiipi imatsyaj. Da wiap itopyaj jém ired porque tsam jáyan tiipi imatsyaj.

⁷Jesic jém Jesús icuyujciwiñ, jém tsampic itoypa, iñímáy jém Peto:

—Yřbam jém tánOmi.

Jesic cuando jém Peto imatoŋ iga tánOmi, icot iyooři, porque iccáyñe idic iga tiřpmatspa. Quet jém barcojom, tigi y niicim jém Peto iga nicpa iam jém Jesús. ⁸Jesic los de más jém Jesús icuyujciwiñ inimiñyaj jém barco hasta playa aŋna. Iřicneyaj jém red comne de tiipi, porque da juumi jém playa como cien metros. ⁹Cuando putyaj aŋřicmi, ipátyaj juť acnúcnetá jucti. Iixyaj iga řip ijaasta tiipi juuyjom, ířtim caxřánañi. ¹⁰Jesic Jesús iñímáy icuyujciwiñ:

—Namiñi algunos jém tiipi jém yaguñřpic immatsta.

¹¹Jém Peto quím jém barcoyucmi, iwij jém ired, moj iřic aŋřicmi. Comne jém red con miřtampic tiipi. Ířyaj ciento cincuenta y tres. Tsam jáyan tiipi, pero da jac jém red. ¹²Jesic Jesús iñímáy jém icuyujciwiñ:

—Miñi miwiiquřam.

Ni tum de jém icuyujciwiñ da icwácayaj iga: “¿Miřapaap?” Porque iñuntawřjodoŋa iga tánOmi. ¹³Jesic Jesús icunúc, ipic jém caxřánañi icijjom, ichi icuyujciwiñ, jesapřim iwat con jém tiipi.

¹⁴Siip tres vecesam iwiñquejáy Jesús jém icuyujciwiñ dende pisne.

Añmatyajpa Jesús con jém Peto

¹⁵Jesic yaj wiiquiyaj, jém Jesús icwác jém Peto. Nímayta:

—MiPeto, jém Jonás mimanic, ¿que mich más antoypa que jém tungac añcuyujciwiñ?

Jesic Peto icutsoñ. Inímay jém Jesús:

—Numa, mánOmi, mich inñjodoñ iga tsam mantoypa.

Jesic Jesús inímay jém Peto:

—Acwiici jém ammañborregoyaj.

¹⁶Jesic eybictim icwácpa Jesús jém Peto. Nímayta:

—MiPeto, jém Jonás mimanic, ¿que tsam antoypa?

Jém Peto icutsoñ. Nímpa:

—Numa, mich inñjodoñ iga tsam mantoypa.

Jesic Jesús inímay:

—Wati cuenta jém amborregoyaj.

¹⁷Jém Jesús túcciyam icwácpa jém Peto. Nímayta:

—MiPeto, jém Jonás mimanic, ¿que tsam antoypa?

Jesic jém Peto tsam anyác porque tres vecesam icwácpa siiga itoypa, jesic inímay jém Jesús:

—MánOmi, mich inñjodoñ itumpiy cosa. Inñjodoñtim iga mantoypa.

Jesic Jesús inímay jém Peto:

—Acwicyaji jém amborregoyaj.

¹⁸Numa manímáypa iga cuando dánam michami, jesic inçotpa inyaac jém inyoofi y miñicpa juñ mich inxunpa. Pero cuando michamim, jesic inñimpa inçi y tungac miccámáypa inyoofi. Mininica juñ mich da miñictooba.

¹⁹Nímpa jempic Jesús iga icjodónap juñpic accaatap jém Peto iga cujiptaiñ Dios. Jesic Jesús inímay jém Peto:

—Atúnjiyi.

**Jém Jesús icuyujciwiñ
jém tsampic itoypa**

²⁰Jesic ámsetpa jém Peto, iix iga itúnjyapa jém tungac jém Jesús icuyujciwiñ jém tsampic itoypa, jém ipitsnewiip cuando wagawicyajpa jém pascuasij. Jeetim pixiñ jém icwácnawiip Jesús iga: “¿I miwadáypa atracción?”

²¹Cuando Peto iix iga itúnjyapa jém pixiñ, jesic inímaypa jém Jesús: —MánOmi, ¿ti inñascaaba yíp pixiñ?

²²Jesús icutsoñ. Nímayta jém Peto:

—Siiga ich ansunpa iga da caaba yíp pixiñ hasta amiñgacpa, ¿jesic mich inñicutigiyi? Mich atúnjiyi.

²³Núc jém añmañ juñ it jém icupicneyajwiip Jesús, wanpa iga da caaba jém tum jém icuyujciwiñ, jém tsampic itoypa. Pero Jesús da nim iga da caaba jém pixiñ. Nim iga: “Siiga ich ansunpa iga da caaba yíp pixiñ hasta amiñgacpa, ¿jesic mich inñicutigiyi?”

²⁴Icham jém axiwan jém tsampic atoypa jém Jesús, jeeyucmi wiap manañmadáy yípyaj cosa. Siip anjaycampa librojom. Anjodoñ iga da je migooyi.

²⁵Ífyaj jáyan cosa más jém iwatnewiip Jesús. Siiga jaycámtap itumpiy cosa juuts iwatne Jesús, ich animpa iga icuwíti yíp naxyucmi da cutigiyajpa jém libro. Jemum cuyaj.